

春秋經傳比事

春秋經傳比事卷二十

閔 林春溥 鑑塘

定公

名宋襄公庶子昭公之弟諡法安民大慮曰定

元年

十辰○曹

春王

穀梁曰不言正月定無正也定之無正何也昭公之終非正終也定

之始非正始也昭無正終故定無正始不言即位喪在外也

元年春王正月辛巳晉魏舒合諸侯之大夫于狄泉將

以城成周魏子蒞政衛彪傒曰將建天子而易位以令

非義也大事奸義必有大咎晉不失諸侯魏子其不免

乎是行也魏獻子屬役於韓簡子及原壽過而田於大

陸焚焉還卒於甯范獻子去其柏棹以其未復命而田

也

三月晉人執宋仲幾于京師

穀梁曰此其大夫其曰人何微之也何爲微之不正其執

人於尊者之所也不
與大夫之伯討也

孟懿子會城成周庚寅裁宋仲幾不受功曰滕薛卿吾
役也薛宰曰宋爲無道絕我小國於周以我適楚故我
常從宋晉文公爲踐土之盟曰凡我同盟各復舊職若
從踐土若從宋亦唯命仲幾曰踐土固然薛宰曰薛之
皇祖奚仲居薛以爲夏車正奚仲遷于邳仲虺居薛以
爲湯左相若復舊職將承王官何故以役諸侯仲幾曰
三代各異物薛焉得有舊爲宋役亦其職也士彌牟曰
晉之從政者新子姑受功歸吾視諸故府仲幾曰縱子
忘之山川鬼神其忘諸乎士伯怒謂韓簡子曰薛徵於
人宋徵於鬼宋罪大矣且已無辭而抑我以神誣我也
啓寵納侮其此之謂矣必以仲幾爲戮乃執仲幾以歸

三月歸諸京師城三旬而畢乃歸諸侯之成齊高張後
不從諸侯晉女叔寬曰周襄以齊高張皆將不免襄叔
違天高子違人天之所壞不可支也衆之所爲不可奸
也國語曰高張侯見單穆公曰襄劉其不設乎周詩有
之曰天之所支不可壞也其所壞亦不可支也昔武
王克殷而作此詩也以爲飢歎名之曰支以遺後之人
使承監焉今襄劉欲支天之所壞不亦難乎昔孔甲亂
夏四世而殞紂勤周十有五世而興幽王亂之十有四世
而殞后稷勤周十有五世而興幽王亂之十有四世守
府之謂多
胡可興也

夏六月癸亥公之喪至自乾侯戊辰公卽位公羊曰正棺
於兩楹之間

然後卽位卽位不日
此何以日錄乎內也

夏叔孫成子逆公之喪于乾侯季孫曰子家子亟言於
我未嘗不中吾志也吾欲與之從政子必止之且聽命
焉子家子不見叔孫易幾而哭叔孫請見子家子子家

子辭曰羈未得見而從君以出君不命而薨羈不敢見
叔孫使告之曰公衍公爲實使羣臣不得事君若公子
宋主社稷則羣臣之願也凡從君出而可以入者將唯
子是聽子家氏未有後季孫願與子從政此皆季孫之
願也使不敢以告對曰若立君則有卿士大夫與守龜
在羈弗敢知若從君者則貌而出者入可也寇而出者
行可也若羈也則君知其出也而未知其入也羈將逃
也喪及壞隕公子宋先人從公者皆自壞隕反六月癸
亥公之喪至自乾侯戊辰公卽位

秋七月癸巳葬我君昭公

季孫使役如閭公氏將溝焉榮駕鵝曰生不能事死又
離之以自旌也縱子忍之後必或恥之乃止季孫問於

榮鴛鵞曰吾欲爲君謚使子孫知之對曰生弗能事死
又惡之以自信也將焉用之乃止秋七月癸巳葬昭公
於墓道南孔子之爲司寇也溝而合諸墓

九月大雩

穀梁曰雩月雩之正也其時窮人力盡
然後乃雩之正也是月不雨則無及矣

立煬宮

穀梁曰立者
不宜立者也

昭公出故季平子禱于煬公九月立煬宮

冬十月隕霜殺菽

穀梁曰未可以殺而殺舉重可
殺而不殺舉輕其曰菽舉重也

二年

已癸春王正月

○周鞫簡公棄其子弟而好用遠人二年夏四月辛酉鞫
氏之羣子弟賊簡公

夏五月壬辰雉門及兩觀災

穀梁曰其不曰雉門災及兩
觀何也災自兩觀始也不以

雉門尊也先
言雉門尊也

秋楚人伐吳

桐叛楚吳子使舒鳩氏誘楚人曰以師臨我我伐桐爲我使之無忌秋楚囊瓦伐吳師于豫章吳人見舟于豫章而潛師于巢冬十月吳軍楚師于豫章敗之遂圍巢克之獲楚公子繁

○邾莊公與夷射姑飲酒私出闕乞肉焉奪之杖以敲之冬十月新作雉門及兩觀穀梁曰言新有舊也作爲也有加其度也此不正其以尊者親

之何也雖不正也於美猶可也

三年甲午春王正月公如晉至河乃復

二月辛卯邾子穿卒

三年春二月辛卯邾子在門臺臨廷閣以餅水沃廷邾子望見之怒問曰夷射姑旋焉命執之弗得滋怒自投

于牀廢于鑪炭爛遂卒先葬以車五乘殉五人莊公十
急而好潔故及是

夏四月

秋葬邾莊公

○秋九月鮮虞人敗晉師于平中獲晉觀虎恃其勇也

冬仲孫何忌及邾子盟于拔

拔公羊作枝

冬盟于郟脩邾好也

○蔡昭侯爲兩佩與兩裘以如楚獻一佩一裘於昭王昭
王服之以享蔡侯蔡侯亦服其一子常欲之弗與三年
止之唐成公如楚有兩肅爽馬子常欲之弗與亦三年
止之唐人或相與謀請代先從者許之飲先從者酒醉
之竊馬而獻之子常子常歸唐侯自拘於司敗曰君以

弄馬之故隱君身棄國家羣臣請相夫人以償馬必如
之唐侯曰寡人之過也二三子無辱皆賞之蔡人聞之
固請而獻佩于子常子常朝見蔡侯之徒命有司曰蔡
君之久也官不其也明日禮不畢將死蔡侯歸及漢執
玉而沈曰余所有濟漢而南者有若大川蔡侯如晉以
其子元與其大夫之子爲質焉而請伐楚國語曰闕且
楚見令尹子
常子常與之語問蓄貨聚馬歸以語其弟曰令尹其不
免乎吾見令尹令尹問蓄聚積實如彼豺狼焉殆必亡
者也夫古者聚貨不妨民衣食之利聚馬不害民之財
用國馬足以行軍公馬足以稱賦不足過也公貨足以
實獻家貨足以共用不是過也夫貨馬耶則問於民
多闕則有難財之心將何以封矣昔鬬子文三舍令尹
無一日之積恤民之故也成王問子文之朝不及夕也
於是乎每朝設脯一束糗一簋以羞子文子文至於令尹
秩之成王每出了文之祿必逃王止而後復今子常先
大夫之後也而相楚君無令名於四方道殣相望盜賊
司日民無所於是之不振而蓄聚
不厭其速怨於民多矣不亡何待

四年紀春王二月癸巳陳侯吳卒

三月公會劉子晉侯宋公蔡侯衛侯陳子鄧伯許男曹伯
莒子邾子頓子胡子滕子薛伯杞伯小邾子齊國夏于召
陵侵楚

四年春三月劉文公合諸侯于召陵謀伐楚也晉荀寅
求貨於蔡侯弗得言於范獻子曰國家方危諸侯方貳
將以襲敵不亦難乎水潦方降疾瘡方起中山不服棄
盟取怨無損於楚而失中山不如辭蔡侯吾自方城以
來楚未可以得志祇取勤焉乃辭蔡侯晉人假羽旄於
鄭鄭人與之明日或旆以會晉於是乎失諸侯

夏四月庚辰蔡公孫姓

公羊作公
孫歸姓

帥師滅沈以沈子嘉歸

殺之

沈人不曾于召陵晉人使蔡伐之夏蔡滅沈

五月公及諸侯盟于皐鼬

公羊作浩油

將會衛子行敬子言於靈公曰會同難嘖有煩言莫之治也其使祝佗從公曰善乃使子魚子魚辭曰臣展四體以率舊職猶懼不給而煩刑書若又其二微大罪也且夫祝社稷之常隸也社稷不動祝不出竟官之制也君以軍行祓社釁鼓祝奉以從於是乎出竟若嘉好之事君行師從卿行旅從臣無事焉公曰行也及皐鼬將長蔡於衛衛侯使祝佗私於萇曰聞諸道路不知信否若聞蔡將先衛信乎萇曰信蔡叔康叔之兄也先衛不亦可乎子魚曰以先王觀之則尚德也昔武王克商成王定之選建明德以藩屏周故周公相王室以尹

天下於周爲睦分魯公以大路大旂夏后氏之璜封父
之繁弼殷民六族條氏徐氏蕭氏索氏長勺氏尾勺氏
使帥其宗氏輯其分族將其類醜以法則周公用卽命
于周是使之職事于魯以昭周公之明德分之土田陪
敦祝宗卜史備物典策官司彝器因商奄之民命以伯
禽而封於少皞之虛分康叔以大路少帛結棧旃旌大
呂殷民七族陶氏施氏繁氏錡氏樊氏饑氏終葵氏封
畛土略自武父以南及圃田之北竟取於有閭之士以
其王職取於相土之東都以會王之東蒐聃季授土陶
叔授民命以康誥而封於殷虛皆啓以商政疆以周索
分唐叔以大路密須之鼓闕鞞姑洗懷姓九宗職官五
正命以唐誥而封於夏虛啓以夏政疆以戎索三者皆

叔也而有令德故昭之以分物不然文武成康之伯猶多而不獲是分也唯不尚年也管蔡啓商其間王室王於是乎殺管叔而蔡蔡叔以車七乘徒七十人其子蔡仲改行帥德周公舉之以爲己卿士見諸王而命之以蔡其命書云王曰胡無若爾考之違王命也若之何其使蔡先衛也武王之母弟八人周公爲太宰康叔爲司寇聃季爲司空五叔無官豈尚年哉曹文之昭也晉武之穆也曹爲伯甸非尚年也今將尚之是反先王也晉文公爲踐土之盟衛成公不在夷叔其母弟也猶先蔡其載書云王若曰晉重魯申衛武蔡甲午鄭捷齊潘宋王臣莒期臧在周府可覆視也吾子欲復文武之略而不正其德將如之何其弘說告劉子與范獻子謀之乃

長衛侯於盟及自召陵鄒子大叔未至而卒晉趙盾子
爲之臨甚哀曰黃父之會夫子語我九言曰無始亂無
怙富無恃寵無違同無放禮無驕能無復怨無謀非德
無犯非義

杞伯成卒

會成公羊
作戊

六月葬陳惠公

許遷于容城

秋七月公至自會

劉卷卒

公羊曰劉卷者天子之大夫也外
大夫不卒此何以卒我主之也

葬杞悼公

楚人圍蔡

秋楚爲沈故圍蔡

晉士鞅衛孔圉

公羊作圖帥師伐鮮虞

葬劉文公

公羊曰外大夫不書葬此何以書錄我主也

冬十有一月庚午蔡侯以吳子及楚人戰于柏舉

公羊作伯莒穀

梁作伯舉楚師敗績穀梁曰吳其稱子何也吳信中國而攘夷狄吳進矣何以不言救也救大也楚

薨瓦出奔鄒

伍員爲吳行人以謀楚楚之殺郤宛也伯氏之族出伯

州犂之孫蔣爲吳大宰以謀楚楚白昭王卽位無歲不

有吳師蔡侯因之以其子乾與其大夫之子爲質於吳

冬蔡侯吳子唐侯伐楚舍舟于淮汭白豫章與楚夾漢

左司馬戍謂子常曰子沿漢而與之上下我悉方城外

以毀其舟還塞大隧直轅冥阨子濟漢而伐之我自後

擊之必大敗之旣謀而行武城黑謂子常曰吳用木也

我用革也不可久也不如速戰史皇謂子常楚人惡子而好司馬若司馬毀吳舟于淮塞城口而入是獨克吳也子必速戰不然不免乃濟漢而陳自小別至于大別三戰子常知不可欲奔史皇曰安求其事難而逃之將何所入子必死之初罪必盡說十一月庚午二師陳于柏舉闔廬之弟夫槩王晨請於闔廬曰楚瓦不仁其臣莫有死志先伐之其卒必奔而後大師繼之必克弗許夫槩王曰所謂臣義而行不待命者其此之謂也今日我死楚可入也以其屬五千先擊子常之卒子常之卒奔楚師亂吳師大敗之子常奔鄭史皇以其乘廣死

庚辰吳入郢

吳從楚師及清發將擊之夫槩王曰困獸猶鬪況人乎

若知不免而致死必敗我若使先濟者知免後者慕之
蔑有鬪心矣半濟而後可擊也從之又敗之楚人爲食
吳人及之奔食而從之敗諸雍澨五戰及郢己卯楚子
取其妹季芊畀我以出涉雎鍼尹固與王同舟王使執
燧象以奔吳師庚辰吳入郢以班處宮子山處令尹之
宮夫槩王欲攻之懼而去之夫槩王入之穀梁曰以日入易無楚也
易無楚者懷宗廟從陳器赴平王之墓何以謂之吳狄之也君居其君之寢而妻其君之妻大夫居其大夫之寢而妻其大夫之妻蓋有欲妻楚王之母者不正左司乘敗人之績而深爲利居人之國故反其狄道也
馬戎及息而還敗吳師于雍澨傷初司馬臣闔廬故恥
爲禽焉謂其臣曰誰能免吾首吳句卑曰臣賤可乎司
馬曰我實失子可哉戰皆傷曰吾不可用也已句卑
布裳剄而裹之藏其身而以其首免楚子涉雎濟江入

十雲中王寢盜攻之以戈擊王王孫由于以背受之中
肩王奔鄆鍾建負季芊以從由于徐蘇而從鄆公辛之
弟懷將弑王曰平王殺吾父我殺其子不亦可乎辛曰
君討臣誰敢讎之君命天也若死天命將誰讎詩曰柔
亦不茹剛亦不吐不侮矜寡不畏強禦唯仁者能之違
盟陵弱非男也乘人之約非仁也滅宗廢祀非孝也動
無令名非知也必犯是余將殺女鬬辛與其弟巢以王
奔隨吳人從之謂隨人曰周之子孫在漢川者楚實盡
之天誘其衷致罰於楚而君又竄之周室何罪君若顧
報周室施及寡人以弊天衷君之惠也漢陽之田君實
有之楚子在公宮之北吳人在其南子期似王逃王而
已爲王曰以我與之王必免隨人卜與之不吉乃辭吳

曰以隨之辟小而密邇於楚楚實存之世有盟誓至于
今未改若難而棄之何以事君執事之患不唯一人若
鳩楚竟敢不聽命吳人乃退鑑金初宦於子期氏實與
隨人要言王使見辭曰不敢以約爲利王割子期之心
以與隨人盟初伍員與申包胥友其亡也謂申包胥曰
我必復楚國申包胥曰勉之子能復之我必能興之及
昭王在隨申包胥如秦乞師曰吳爲封豕長蛇以荐食
上國虐始於楚寡君失守社稷越在草莽使下臣告急
曰夷德無厭若鄰於君盟弔之患患遄吳之未定君其
取分焉若楚之遂亡君之士也若以君靈撫之世以事
君秦伯使辭焉曰寡人聞命矣子姑就館將圖而告對
曰寡君越在草莽未獲所伏下臣何敢卽安立依於庭

牆而哭日夜不絕聲勺飲不入口七日秦哀公爲之賦

無衣九頓首而坐秦師乃出

附錄

竹書漢不見於天

五年

丙申○曹靖公露元年○陳懷公柳元年○杞僖公過元年

春王三月辛亥朔日

有食之

○五年春王人殺子朝于楚

夏歸粟于蔡

公羊曰孰歸之諸侯歸之離至不可得而序故言我也

夏歸粟于蔡以周亟矜無資

於越入吳

越入吳吳在楚也

六月丙申季孫意如卒

六月季平子行東野還未至丙申卒于房陽虎將以璆

璠斂仲梁懷弗與曰改步改玉陽虎欲逐之告公山不
狃不狃曰彼爲君也子何怨焉旣葬桓子行東野及費
子洩不狃爲費宰逆勞於郊桓子敬之勞仲梁懷仲梁懷
弗敬子洩怒謂陽虎子行之乎

秋七月壬子叔孫不敢卒

○申包胥以秦師至秦子蒲子虎帥車五百乘以救楚子
蒲曰吾未知吳道使楚人先與吳人戰而自稷會之大
敗夫槩王于沂吳人獲蓬射於柏舉其子帥奔徒以從
子西敗吳師於軍祥秋七月子期子蒲滅唐九月夫槩
王歸自立也以與王戰而敗奔楚爲堂谿氏吳師敗楚
師于雍澨秦師又敗吳師吳師居麋子期將焚之子西
曰父兄親暴骨爲不能收又焚之不可子期曰國亡矣

死者若有知也可以歆舊祀豈憚焚之焚之而又戰吳師敗又戰于公圻之谿吳師大敗吳子乃歸囚闔閭與罷闔閭與罷請先遂逃歸葉公諸梁之弟后臧從其母於吳不待而歸葉公終不正視○乙亥陽虎囚季桓子及公父文伯而逐仲梁懷冬十月丁亥殺公何藐己丑盟桓子于稷門之內庚寅大誚逐公父黷倣及秦遄皆奔齊○楚子入于郢初闔辛聞吳人之爭宮也曰吾聞之不讓則不和不和不可以遠征吳爭於楚必有亂有亂則必歸焉能定楚王之奔隨也將涉於成臼藍尹疊涉其帑不與王舟及寧王欲殺之子西曰子常唯思舊怨以敗君何效焉王曰善使復其所吾以志前惡王賞闔辛王孫由于王孫圉鍾建闔巢申包胥王孫賈宋木闔懷子

西口請舍懷也王曰大德滅小怨道也申包胥曰吾爲君也非爲身也君既定矣又何求且吾尤子旗其又爲諸遂逃賢王將嫁季芊季芊辭曰所以爲女子遠丈夫也鍾建負我矣以妻鍾建以爲樂尹王之在隨也子西爲王輿服以保路國于脾洩聞王所在而後從王王使由干城麋復命于西問高厚焉弗知子西曰不能如辭域不知高厚小大何知對曰固辭不能子使余也人各有能有不能王遇盜於雲中余受其戈其所猶在袒而視之背曰此余所能也脾洩之事余亦弗能也

冬晉士鞅帥師圍鮮虞

晉士鞅圍鮮虞報觀虎之役也

六年春王正月癸亥鄭游速

公羊

帥師滅許以許男斯

歸

六年春鄭滅許因楚敗也

二月公侵鄭

二月公侵鄭取匡爲晉討鄭之伐晉靡也往不假道於衛及還陽虎使季孟自南門入出自東門舍於豚澤衛侯怒使弼子瑕追之公叔文子老矣輦而如公曰尤人而效之非禮也昭公之難君將以文之舒鼎成之昭兆定之鑿鑑苟可以納之擇用一焉公子與二三臣之子諸侯苟憂之將以爲之質此羣臣之所聞也今將以小忿蒙舊德無乃不可乎大姒之子唯周公康叔爲相睦也而效小人以棄之不亦誣乎天將多陽虎之罪以斃之君姑待之若何乃止

公至自侵鄭

夏季孫斯叔孫何忌如晉

夏季桓子如晉獻鄭俘也陽虎強使孟懿子往報夫人之幣晉人兼享之孟孫立于房外謂范獻子曰陽虎若不能居魯而息肩於晉所不以為中軍司馬者有如先君獻子曰寡君有官將使其人執何知焉獻子謂簡子曰魯人患陽虎矣孟孫知其釁以為必適晉故強為之請以取入焉

○四月己丑吳太子終纍敗楚舟師獲潘子臣小惟子及大夫七人楚國大惕懼亡子期又以陵師敗于繁揚令尹子西喜曰乃今可為矣於是乎遷郢於都而改紀其政以定楚國○周儋翩率王子朝之徒因鄭人將以作

亂于周鄭於是乎伐馮滑胥靡負黍狐人闕外六月晉
閔沒戎周且城胥靡

秋晉人執宋行人樂祁犁

祁公羊作祈

秋八月宋樂祁言於景公曰諸侯唯我事晉今使不往
晉其憾矣樂祁告其宰陳寅陳寅曰必使子往他日公
謂樂祁曰唯寡人說子之言子必往陳寅曰子立後而
行吾室亦不亡唯君亦以我爲知難而行也見潏而行
趙簡子逆而飲之酒於縣上獻楊楮六十於簡子陳寅
曰昔吾主范氏今子主趙氏又有納焉以楊楮賈禍弗
可爲也已然子死晉國子孫必得志於宋范獻子言於
晉侯曰以君命越疆而使未致使而私飲酒不敬二君
不可不討也乃執樂祁

○陽虎又盟公及三桓於周社盟國人于亳社詛于五父之衢

冬城中城

穀梁曰城中城者三家張也

季孫斯仲孫忌帥師圍鄆

公羊曰此仲孫何忌也曷爲謂之仲孫忌諱二名二名非禮也

○冬十二月天王處于姑蕢辟僖翩之亂也

七年

戊辰春王正月

○七年春二月周僖翩入于儀栗以叛○齊人歸鄆陽關陽虎居之以爲政

夏四月

○夏四月單武公劉桓公敗尹氏于窮谷

秋齊侯鄭伯盟于鹹

秋齊侯鄭伯盟于鹹徵會于衛

齊人執衛行人北宮結以侵衛齊侯衛侯盟于沙

公羊作沙澤

衛侯欲叛晉諸大夫不可使北宮結如齊而私於齊侯曰執結以侵我齊侯從之乃盟于瑣

大雩

齊國夏帥師伐我西鄙

齊國夏伐我陽虎御季桓子公斂處父御孟懿子將宵軍齊師齊師聞之墮伏而待之處父曰虎不圖禍而必死苦夷曰虎陷二子於難不待有司余必殺女虎懼乃還不敗

九月大雩

冬十月

○冬十一月戊午單子劉子逆王于慶氏晉籍秦送王己

春秋左傳卷二十一
已王入于王城館于公族黨氏而後朝于莊宮

八年紀春王正月公侵齊

八年春王正月公侵齊門于陽州士皆坐列曰顏高之
弓六鈞皆取而傳觀之陽州人出顏高奪人弱弓籍上
子鉏擊之與一人俱斃偃且射子鉏中頰殪顏息射人
中肩退曰我無勇吾志其目也師退冉猛僞傷足而先
其兒會乃呼曰猛也殿

公至自侵齊

○二月己丑單子伐穀城劉子伐儀栗辛卯單子伐簡城
劉子伐孟以定王室○趙鞅言於晉侯曰諸侯唯宋事
晉好逆其使猶懼不至今又執之是絕諸侯也將歸樂
祁士鞅曰三年止之無故而歸之宋必叛晉獻子私謂

子梁梁曰寡君懼不得事宋君是以止子子姑使濶代
子子梁以告陳寅陳寅曰宋將叛晉是棄濶也不如待
之樂祁歸卒於大行士鞅曰宋必叛不如止其尸以求
成焉乃止諸州

二月公侵齊

公侵齊攻廩丘之鄆主人焚衝或濡馬褐以救之遂毀
之主人出師奔陽虎僞不見冉猛者曰猛在此必敗猛
逐之顧而無繼僞顛虎曰盡客氣也苦越生子將待事
而名之陽州之役獲焉名之曰陽州

三月公至自侵齊

穀梁曰公如往時致月危致也往月致時危往也往月致月惡之也

齊伯露卒

夏齊國夏帥師伐我西鄙公會晉師于瓦

夏齊國夏高張伐我西鄙晉士鞅趙鞅荀寅救我公會
晉師于瓦范獻子執羔趙簡子中行文子皆執雁魯於
是始尙羔

公至自瓦

秋七月戊辰陳侯柳卒

史記年表公如吳吳留之因死吳

晉士鞅

公羊作趙鞅

帥師侵鄭遂侵衛

晉師將盟衛侯于鄆澤趙簡子曰羣臣誰敢盟衛君者
涉佗成何曰我能盟之衛人請執牛耳成何曰衛吾溫
原也焉得視諸侯將畎涉佗援衛侯之手及挽衛侯怒
王孫賈趨進曰盟以信禮也有如衛君其敢不唯禮是
事而受此盟也衛侯欲叛晉而患諸大夫王孫賈使次
于郊大夫問故公以晉語語之且曰寡人辱社稷其改

卜嗣寡人從焉大夫曰是衛之禍豈君之過也公曰又有患焉謂寡人必以而子與大夫之子爲質大夫曰苟有益也公子則往羣臣之子敢不皆負羈紲以從將行王孫賈曰苟衛國有難工商未嘗不爲患使皆行而後可公以告大夫乃皆將行之行有日公朝國人使賈問焉曰若衛叛晉晉五伐我病何如矣皆曰五伐我猶可以能戰賈曰然則如叛之病而後質焉何遲之有乃叛晉晉人請改盟弗許秋晉士鞅會成桓公侵鄭圍蟲牢報伊闕也遂侵衛

葬曹靖公

九月葬陳懷公

季孫斯仲孫何忌帥師侵衛

九月師侵衛晉故也

冬衛侯鄭伯盟于曲濮

從祀先公

穀梁曰貴復正也

季寤公鉏極公山不狃皆不得志於季氏叔孫輒無寵於叔孫氏叔仲志不得志於魯故五人因陽虎陽虎欲去三桓以季寤更季氏以叔孫輒更叔孫氏已更孟氏冬十月順祀先公而祈焉辛卯禘于僖公

公羊曰文公逆祀去者三

人定公順祀叛者五人

盜竊寶玉大弓

公羊曰寶者何璋判白弓繡質龜青純穀

也周公受賜執之魯非其所取而故之謂之盜與人謂之亡非其所取而故之謂之盜

壬辰將享季氏于蒲圃而殺之戒都軍曰癸巳至成宰公斂處父告孟孫曰季氏戒都軍何故孟孫曰吾弗聞

處父曰然則亂也必及於子先備諸與孟孫以壬辰爲

期陽虎前驅林楚御桓子

林楚公羊作臨南

虞人以鉞盾夾之

公羊曰諸陽之從者車數

上與陽越殿將如蒲圃桓子昨謂林楚曰而

先皆季氏之良也爾以是繼之對曰臣聞命後陽虎爲

政魯國服焉違之徵死死無益於主桓子曰何後之有

而能以我適孟氏乎對曰不敢愛死懼不免主桓子曰

往也孟氏選圉人之壯者三百人以爲公期築室於門

外林楚怒馬及衢而騁陽越射之不中

公羊曰臨南投策而墜之陽越

下取策臨南騁馬而由乎孟氏陽虎從而射之矢著于莊門然而甲起於琴如弒不成

築者闔門

有自門間射陽越殺之陽虎劫公與武叔以伐孟氏公

斂處父帥成人自上東門入與陽氏戰于南門之內弗

勝又戰于棘下陽氏敗陽虎說甲如公宮取寶玉大弓

以出舍于五父之衢寢而爲食其徒曰追其將至虎曰
魯人聞余出喜于徵死何暇追余從者曰嘻速駕公斂
陽在公斂陽請追之孟孫弗許陽欲殺桓子孟孫懼而
歸之子言季辨舍爵於季氏之廟而出陽虎入于謹陽
關以叛

○鄭駟歆嗣子大叔爲政

九年

○庚子○曹伯陽元年
○陳閔公越元年

春王正月

○九年春宋公使樂大心盟于晉且逆樂祁之尸辭僞有
疾乃使向巢如晉盟且逆子梁之尸子明祁子謂桐門
右師心大出曰吾猶衰絰而子擊鐘何也右師曰喪不在
此故也旣而告人曰己衰絰而生子余何故舍鐘子明
聞之怒言於公曰右師將不利戴氏不肯適晉將作亂

也不然無疾乃逐桐門右師○鄭駟欲殺鄧析而用其
竹刑君子謂子然歎於是不忠苟有可以加於國家者
棄其邪可也靜女之三章取彤管焉竿旄何以告之取
其忠也故用其道不棄其人詩云蔽芾甘棠勿剪勿伐
召伯所茇思其人猶愛其樹況用其道而不恤其人乎
子然無以勸能矣

夏四月戊申鄭伯蠆卒

公羊無伯字蠆作蠆

得寶玉大弓

公羊曰何以書園寶也喪之書得之書殺梁曰惡得之得之堤下或曰陽虎以解衆也

夏陽虎歸寶玉大弓書曰得器用也凡獲器用曰得得
用焉曰獲六月伐陽關陽虎使焚萊門師驚犯之而出
奔齊請師以伐魯曰三加必取之齊侯將許之鮑文子
諫曰臣嘗爲隸於施氏矣魯未可取也上下猶和熾庶

猶睦能事大國而無天菑若之何取之陽虎欲勸齊師也齊師罷大臣必多死亡已於是乎奮其詐謀夫陽虎有寵於季氏而將殺季孫以不利魯國而求容焉親富不親仁君焉用之君富於季氏而大於魯國茲陽虎所欲傾覆也魯免其疾而君又收之無乃害乎齊侯執陽虎將東之陽虎願東乃囚諸西鄙盡借邑人之車鑿其軸麻約而歸之載慈靈寢於其中而逃追而得之囚於齊又以慈靈逃奔宋遂奔晉適趙氏仲尼曰趙氏其世有亂乎

六月葬鄭獻公

秋齊侯衛侯次于五氏

秋齊侯伐晉夷儀敝無存之父將室之辭以與其弟曰

此役也不死反必娶於高國先登求自門出死於囂下
東郭書讓登犁彌從之曰子讓而左我讓而右使登者
絕而後下書左囂先下書與王猛息猛曰我先登書斂
甲曰製者之難今又難焉猛笑曰吾從子如驂之靳晉
車千乘在中牟衛侯將如五氏卜過之龜焦衛侯曰可
也衛車當其半寡人當其半敵矣乃過中牟中牟人欲
伐之衛褚師圍亡在中牟曰衛雖小其君在焉未可勝
也齊師克城而驕其帥又賤遇必敗之不如從齊乃伐
齊師敗之齊侯致禱媚杏於衛齊侯賞犁彌犁彌辭曰
有先登者臣從之哲憤而衣翟製公使視東郭書曰乃
夫子也吾脫子公賞東郭書辭曰彼賓旅也乃賞犁彌
齊師之在夷儀也齊侯謂夷儀人曰得倣無存者以五

家免乃得其尸公三褫之與之犀軒與直蓋而先歸之
坐引者以師哭之親推之三

秦伯卒

冬葬秦哀公

十年

平廿○鄭聲公勝元年○秦惠公元年

春王三月及齊平

十年春及齊平

夏公會齊侯于夾谷

夾公穀並作類下同

夏公會齊侯于祝其實夾谷孔丘相犁彌言於齊侯曰
孔丘知禮而無勇若使萊人以兵劫魯侯必得志焉齊
侯從之孔丘以公退曰士兵之兩君台好而裔夷之俘
以兵亂之非齊君所以命諸侯也裔不謀夏夷不亂華
俘不干盟兵不偪好於神為不祥於德為愆義於人為

失禮君必不然齊侯聞之遽辟之將盟齊人加於載書
曰齊師出竟而不以甲車三百乘從我者有如此盟孔
丘使茲無還揖對曰而不反我汶陽之田吾以其命者
亦如之齊侯將享公孔丘謂梁丘據曰齊魯之故吾子
何不聞焉事既成矣而又享之是勤執事也且犧象不
出門嘉樂不野合饗而既具是棄禮也若其不具用秕
稗也用秕稗君辱棄禮名惡子盍圖之夫享所以昭德
也不昭不如其已也乃不果享齊人來歸鄆謹龜陰之
田穀梁曰齊侯退而屬其二三大夫曰夫人率其君與
田之行古人之道二三子獨率我而入夷狄之俗何為
罷會齊人使優施舞於魯君之幕下孔子曰笑君者罪
當死使司馬行法焉首足異門而出齊人來歸鄆謹龜
陰之田者蓋為此也齊
世家曰是歲晏嬰卒

公至自夾谷

穀梁曰離會不致何為致也危之也
也危之則以地致何也為危之也

晉趙鞅帥師伐衛

晉趙鞅圍衛報夷儀也初衛侯伐邯鄲午於寒氏城其西北而守之宵燭及晉圍衛午以徒七十人門於衛西門殺入於門中曰請報寒氏之役涉佗曰夫子則勇矣然我往必不敢啓門亦以徒七十人旦門焉步左右皆至而立如植日中不啓門乃退反役晉人討衛之叛故曰由涉佗成何於是執涉佗以求成於衛衛人不許晉人遂殺涉佗成何奔燕君子曰此之謂棄禮必不釣詩曰人而無禮胡不遄死涉佗亦遄矣哉

齊人來歸鄆讎陰

穀梁有之字

田

史記曰魯公告其羣臣曰魯以君子之道輔其君而

子獨曰夷狄之道教寡人使得罪於魯君爲之奈何有司進對曰君子有過則謝以實小人無過則謝以文君若此則魯君之過則謝以實小人無過則謝以文君

叔孫州仇仲孫何忌帥師圍郕

初叔孫成子欲立武叔公若藐固諫曰不可成子立之而卒公南使賊射之不能殺公南爲馬正使公若爲郕宰武叔旣定使郕馬正侯犯殺公若弗能其圉人曰吾以劒過朝公若必曰誰之劒也吾稱子以告必觀之吾僞固而授之末則可殺也使如之公若曰爾欲吳王我乎遂殺公若侯犯以郕叛武叔懿子圍郕弗克

秋叔孫州仇仲孫何忌帥師圍郕

公羊作開費

秋二子及齊師復圍郕弗克叔孫謂郕工師駟赤曰郕非唯叔孫氏之憂社稷之患也將若之何對曰臣之業在揚水卒晉之四言矣叔孫稽首駟赤謂侯犯曰居齊魯之際而無事必不可矣子盍求事於齊以臨民不然

將叛侯犯從之齊使至駟赤與郕人爲之宣言於郕中
曰侯犯將以郕易于齊齊人將遷郕民衆兇懼駟赤謂
侯犯曰衆言異矣子不如易於齊與其死也猶是郕也
而得紓焉何必此齊人欲以此偪魯必倍與子地且盍
多舍甲於子之門以備不虞侯犯曰諾乃多舍甲焉侯
犯請易於齊齊有司觀郕將至駟赤使周走呼曰齊師
至矣郕人大駭介侯犯之門甲以固侯犯駟赤將射之
侯犯止之曰謀免我侯犯請行許之駟赤先如宿侯犯
殿每出一門郕人閉之及郭門止之曰子以叔孫氏之
甲出有司若誅之羣臣懼死駟赤曰叔孫氏之甲有物
吾未敢以出犯謂駟赤曰子止而與之數駟赤止而納
魯人侯犯奔齊齊人乃致郕

宋樂大心出奔曹

宋公子地出奔陳

地公羊作池下同

宋公子地嬖遽富獵十一分其室而以其五與之公子地有白馬四公嬖向魍魎欲之公取而朱其尾鬣以與之地怒使其徒扶魍而奪之魍懼將走公閉門而泣之目盡腫母弟辰曰子分室以與獵也而獨卑魍亦有頗焉子爲君禮不過出竟君必止子公子地出奔陳公弗止

冬齊侯衛侯鄭游速會于安甫

公羊速作邀安甫作肇

叔孫州仇如齊

武叔聘于齊齊侯享之曰子叔孫若使邠在君之他竟寡人何知焉屬與敝邑際故敢助君憂之對曰非寡君

之望也所以事君封疆社稷是以敢以家隸勤君之執事夫不合之臣天下之所惡也君豈以爲寡君賜

宋公之弟辰暨

公穀並有宋字

仲佗石彊出奔陳

辰爲之請

陳傳與公子地出奔陳公弗止連文

弗聽辰曰是我廷吾兄也

吾以國人出君誰與處冬母弟辰暨仲佗石彊出奔陳

附錄

史記年表牛星見

十有一年

壬寅

春宋公之弟辰及仲佗石彊公子地自陳入

于蕭以叛夏四月秋宋樂大心自曹入于蕭

十一年春宋公母弟辰暨仲佗石彊公子地入于蕭以

叛秋樂大心從之大爲宋患寵向魍故也

冬及鄭平叔還如鄭泣盟

冬及鄭平始叛晉也

十有二年癸卯春薛伯定卒

夏葬薛襄公

叔孫州仇帥師隨邾

衛公孟彊帥師伐曹

十二年夏衛公孟彊伐曹克郊還滑羅殿未出不退於
列其御曰殿而在列其為無勇乎羅曰與其素厲寧為
無勇

少孫斯仲孫何忌帥師隨費

公羊曰孔子行乎季孫三月

之城於是帥師隨邾帥師隨費雉者何五板而堵五堵而雉百雉而城

仲由為季氏宰將墮三都於是叔孫氏隨邾季氏將墮

費公山不狃叔孫輒帥費人以襲魯公與三子入于季

氏之宮登武子之臺費人攻之弗克入及公側仲尼命

申句須樂頡下伐之費人北國人追之敗諸姑蔑二子
奔齊遂墮費

秋大雩

冬十月癸亥公會齊侯公羊作晉侯盟于黃

十有一月丙寅朔日有食之

公至自黃

附錄史記年表齊來歸女樂季桓子受之孔子行

十有二月公圍成穀梁曰非國言圍大公也公至自圍成穀梁曰何以致危之也何

危爾邊乎也

將墮成公斂處父謂孟孫墮成齊人必至于北門且成
孟氏之保障也無成是無孟氏也子偽不知我將不墮
冬十二月公圍成弗克

十有三年

甲辰

春齊侯衛侯

般梁無衛侯

次于垂葭

公羊作垂葭

十三年春齊侯衛侯次于垂葭實郟氏使師伐晉將濟河諸大夫皆曰不可邴意茲曰可銳師伐河內傳必數日而後及絳絳不三月不能出河則我既濟水矣乃伐河內齊侯皆斂諸大夫之軒唯邴意茲乘軒齊侯欲與衛侯乘與之宴而駕乘廣載甲焉使告曰晉師至矣齊侯曰比君之駕也寡人請攝乃介而與之乘驅之或告曰無晉師乃止

夏築蛇淵囿

大蒐于比蒲

衛公孟驅帥師伐曹

秋晉趙鞅入于晉陽以叛

晉趙鞅謂邯鄲午曰歸我衛貢五百家吾舍諸晉陽午
許諾歸告其父兄父兄皆曰不可衛是以爲邯鄲而寅
諸晉陽絕衛之道也不如侵齊而謀之乃如之而歸之
于晉陽趙孟怒召午而囚諸晉陽使其從者說劍而入
涉賓不可乃使告邯鄲人曰吾私有討於午也二子
唯所欲立遂殺午趙稷涉賓以邯鄲叛夏六月上軍司
馬籍秦圍邯鄲邯鄲午荀寅之甥也荀寅范吉射之姻
也而相與睦故不與圍邯鄲將作亂董安于聞之告趙
孟曰先備諸趙孟曰晉國有命始禍者死爲後可也安
于曰與其害於民寧我獨死請以我說趙孟不可秋七
月范氏中行氏伐趙氏之宮趙鞅奔晉陽晉人圍之

晉荀寅

公羊

荀寅

士吉射入于朝歌以叛

范臯夷無寵於范吉射而欲爲亂於范氏梁嬰父嬖於
知文子文子欲以爲卿韓簡子與中行文子相惡魏襄
子亦與范昭子相惡故五子謀將逐荀寅而以梁嬰父
代之逐范吉射而以范臯夷代之荀躒言於晉侯曰君
命大臣始禍者死載書在河今三臣始禍而獨逐鞅刑
已不鈞矣請皆逐之冬十一月荀躒韓不信魏曼多奉
公以伐范氏中行氏弗克二子將伐公齊高彊曰三折
肱知爲良醫唯伐君爲不可民弗與也我以伐君在此
矣三家未睦可盡克也克之君將誰與若先伐君是使
睦也弗聽遂伐公國人助公二子敗從而伐之丁未荀
寅士吉射奔朝歌

晉趙鞅歸于晉

公羊曰此叛也其言歸何以地正國也晉趙鞅取晉陽之甲以逐荀寅與士吉射此

逐君制之惡人曷爲
以叛言之無君命也

韓魏以趙氏爲請十二月辛未趙鞅入于絳盟于公宮
薛弒其君比

○初衛公叔文子朝而請享靈公退見史鮪而告之史鮪
曰子必禍矣子富而君貪罪其及子乎文子曰然吾不
先告子是吾罪也君既許我矣其若之何史鮪曰無害
子臣可以免富而能臣必免於難上下同之戍也驕其
亡乎富而不驕者鮮吾唯子之見驕而不亡者未之有
也戍必與焉及文子卒衛侯始惡於公叔戍以其富也
公叔戍又將去夫人之黨夫人愬之曰戍將爲亂

十有四年

乙巳○越王
句踐元年

春衛公叔戍來奔衛

公穀並
作晉

趙陽

公羊作
趙鞅

出奔宋

十四年春衛侯逐公叔戌與其黨故趙陽奔宋戌來奔
○梁嬰父惡董安于謂知文子曰不殺安于使終爲政於
趙氏趙氏必得晉國盍以其先發難也討於趙氏文子
使告於趙孟曰范中行氏雖信爲亂安于則發之是安
于與謀亂也晉國有命始禍者死二子旣伏其罪矣敢
以告趙孟患之安于曰我死而晉國寧趙氏定將焉用
生人誰不死吾死莫矣乃縊而死趙孟尸諸市而告於
知氏曰主命戮罪人安于旣伏其罪矣敢以告知伯從
趙孟盟而後趙氏定祀安于於廟

二月辛巳楚公子結陳公孫佗人

公羊作公子

帥師滅頓以頓

子牂歸

公羊作牂

頓子牂欲事晉背楚而絕陳好二月楚滅頓

夏衛北宮結來奔

夏衛北宮結來奔公叔戌之故也

五月於越敗吳于檣李

公羊作醉李

吳子光卒

吳伐越越子句踐禦之陳于檣李句踐患吳之整也使死士再禽焉不動使罪人三行屬劍於頸而辭曰二君有治臣奸旗鼓不敏於君之行前不敢逃刑敢歸死遂自剄也師屬之目越子因而伐之大敗之靈姑浮以戈擊闔廬闔廬傷將指取其一屨還卒於陘去檣李七里夫差使人立於庭苟出入必謂己曰夫差而忘越王之殺而父乎則對曰唯不敢忘三年乃報越

公會齊侯衛侯于陟

公羊作堅

晉人圍朝歌公會齊侯衛侯于脾上梁之閒謀救范中

行氏析成鮒小王桃甲率狄師以襲晉戰于絳中不克而還士鮒奔周小王桃甲入于朝歌

公至白會

秋齊侯宋公會于洮

秋齊侯宋公會于洮范氏故也

天王使石尚來歸脤

公羊曰石尚者何天子之士也脤者何俎實也脤曰脤熟曰膾

衛世子蒯聵出奔宋

衛侯爲夫人南子召宋朝會于洮太子蒯聵獻盂于齊過宋野野人歌之曰既定爾婁豬盍歸吾艾豕大夫羞之謂戲陽速曰從我而朝少君少君見我我顧乃殺之速曰諾乃朝夫人夫人見太子太子三顧速不進夫人見其色啼而走曰蒯聵將殺余公執其手以登臺太子

奔宋盡逐其黨故公孟彊出奔鄭自鄭奔齊太子告人曰戲陽速禍余戲陽速告人曰太子則禍余太子無道使余殺其母余不許將戕於余若殺夫人將以余說余是故許而弗爲以紓余死諺曰民保於信吾以信義也衛公孟彊出奔鄭

宋公之弟辰自蕭來奔

大蒐于比蒲

邾子來會公

城莒父及霄

○冬十二月晉人敗范中行氏之師於潞獲籍秦高彊又敗鄭師及范氏之師于百泉

十有五年

丙午○吳大差元年

春王正月邾子來朝

十五年春邾隱公來朝子貢觀焉邾子執玉高其容仰公受玉卑其容俯子貢曰以禮觀之二君者皆有死亡焉夫禮死生存亡之體也將左右周旋進退俯仰於是乎取之朝祀喪戎於是乎觀之今正月相朝而皆不度心已亡矣嘉事不體何以能久高仰驕也卑俯替也驕近亂替近疾君爲主其先亡乎

鼯鼠食郊牛牛死改卜牛

穀梁曰不敬莫大焉

二月辛丑楚子滅胡以胡子豹歸

吳之入楚也胡子盡俘楚邑之近胡者楚既定胡子豹又不事楚曰存亡有命事楚何爲多取費焉二月楚滅胡

夏五月辛亥郊

壬申公薨于高寢

穀梁曰高寢非正也

夏五月壬申公薨仲尼曰賜不幸言而中是使賜多言

者也

鄭罕達

公羊作軒達下同

帥師伐宋齊侯衛侯次于渠蔭

公羊作蔭蔭

鄭罕達敗宋師于老丘齊侯衛侯次于蘧挈謀救宋也

邾子來奔喪

公羊曰奔喪非禮也

秋七月壬申妣氏卒

穀梁如作弋下同○傳曰妾辭也哀公之母也

秋七月壬申妣氏卒不稱夫人不赴且不祔也

八月庚辰朔日有食之

九月滕子來會葬

丁巳葬我君定公雨不克葬戊午日下昃乃克葬

穀梁曰葬既有

日不為雨止禮也雨不克葬喪不以制也

葬定公雨不克襄中禮也

辛巳葬定嬖

葬定嬖不稱小君不成喪也

冬城漆

冬城漆書不時告也

春秋經傳比事卷二十終

春秋經傳比事卷二十一

閩 林春溥 鑑塘

哀公

上。名祿。定公。子益。夫人定。如所生。諡法恭仁短折曰哀。

元年春王正月公即位

楚子陳侯隨侯許男圍蔡

元年春楚子圍蔡報柏舉也里而栽廣丈高倍夫屯晝

夜九日如子西之素蔡人男女以辨使疆于江汝之間

而還蔡於是乎請遷于吳

吳王夫差敗越于夫椒報檣李也遂入越

國語曰吳伐越墮會稽獲

骨焉節專車吳子使來好聘且問之仲尼曰無以吾命賓發幣於大夫及仲尼仲尼曰之既徹俎而宴客執骨而問曰敢問骨何為大仲尼曰丘聞之昔禹致羣神於會稽之山防風氏後至禹殺而戮之其骨節專車此為大矣客曰敢問誰守為臣仲尼曰山川之靈足以紀綱天下者其守為神社稷之守為公侯皆屬於王者客曰

防風氏何守也仲尼曰汪芒氏之君也守封隅之山者也爲漆姓在虞夏商爲汪芒氏於周爲長翟今爲大人客曰人長之極幾何仲尼曰焦僂氏長三尺短之至也長者不過十之數之極也越子以甲楯

五千保于會稽使大夫種

國語又作諸稽郢

因吳大宰嚭以行

成吳子將許之伍員曰不可臣聞之樹德莫如滋去疾

莫如盡昔有過澆殺斟灌以伐斟鄩滅夏后相后緡方

娠逃出自竇歸于有仍生少康焉爲仍牧正棼澆能戒

之澆使椒求之逃奔有虞爲之庖正以除其害虞思於

是妻之以二姚而邑諸綸有田一成有衆一旅能布其

德而兆其謀以收夏衆撫其官職使女艾諜澆使季杼

誘豷遂滅過戈復禹之績祀夏配天不失舊物今吳不

如過而越大於少康或將豐之不亦難乎句踐能親而

務施施不失人親不棄勞與我同壤而世爲仇讎於是

乎克而弗取將又存之違天而長寇讎後雖悔之不可
食已姬之衰也日可俟也介在蠻夷而長寇讎以是求
伯必不行矣弗聽退而告人曰越十年生聚而十年教
訓二十年之外吳其爲沼乎三月越及吳平國語曰越王句踐棲
於會稽之上使大夫種行成於吳曰寡君之師徒不足
以辱君矣願以金玉子女賂君之辱請句踐女於王
大夫女女於大夫士女女於士越國之寶器畢從寡君
帥越國之衆以從君之師徒唯君左右之若以越國之
罪爲不可赦也將焚宗廟係妻孥沈金玉於江有帶甲
五千人將以致死乃必有偶是以帶甲萬人以事君也
無乃卽傷君王之所愛乎與其殺是人也寧其得此國
也其孰利乎夫差將欲聽與之成子胥諫曰不可夫吳
之與越也仇讎敵戰之國也三江環之民無所移有吳
則無越有越則無吳員聞之陸人居陸水人居水夫上
黨之國我攻而勝之吾能居其地不能乘其舟此利也不可
失也已君必滅之越人飾美女八人納之大宰嚭曰子
苟赦越國之罪又有美於此者將進之大宰嚭諫曰詔
聞古之伐國者服之而已今已服矣又何求焉夫差與
之成而去之句踐於是葬死者問傷者養生者弔有憂

賀有喜送往者迎來者去民之所惡補民之不足然吳
後卑事夫差宦士三百人於吳其身親爲夫差前馬吳
入越不書吳不告慶越不告敗也使諸稽郢辭曰以盟

爲有益乎前盟口血未乾足以結信矣以盟爲無益乎
君王舍甲兵之威以臨使之而胡重於鬼神而自輕也
吳王乃許之荒成不盟○又曰越王句踐卽位三年而
欲伐吳范蠡諫王弗聽果興師而伐吳戰於五湖不勝
棲於會稽乃令大夫種行成於吳曰請士女於大夫種
夫女復往曰請委管籥屬國家之重器吳人不許大夫種
來而復往曰請委管籥屬國家之重器吳人不許大夫種
人許諾王曰蠡爲我守於國范蠡對曰四封之內百姓
之事蠡不如種也○四封之外敵國之制立斷之事種亦
不如蠡也王曰諾令大夫種守於國與范蠡入官於吳
三年而吳人遣之○又曰句踐之地南至句無北至
於禦兒東至於鄞西至於姑蔑廣運百里乃致其父兄
昆弟而誓之命壯者無取老婦令老者無取壯妻女子
十七不嫁其父母有罪丈夫二十不娶其父母有罪將
免者以告公令醫守之生丈夫二壺酒一犬生女子二
壺酒一豚生三人公與之毋生二人公與之餼當室者
死三年釋其政支子死三月釋其政必哭泣葬埋之如
其子令孤子寡婦疾疹貧病者納宦其子其達士潔其
居美其服飽其食而摩厲之於義四方之士來者必廟
禮之句踐載稻與脂於舟以行國之孺子之游者無不

餽也無不歡也必問其名非其身之所種則不食非其

人之所織則不衣十年不收於國民居有三年之食

饑鼠食郊牛改卜牛

穀梁曰志不敬也

夏四月辛巳郊

穀梁曰不時也

○夏四月齊侯衛侯救邯鄲圍五鹿○吳之入楚也使召

陳懷公懷公朝國人而問焉曰欲與楚者右欲與吳者

左陳人從田無田從黨逢滑當公而進曰臣聞國之興

也以福其亡也以禍今吳未有福楚未有禍楚未可棄

吳未可從而晉盟主也若以晉辭吳若何公曰國勝君

亡非禍而何對曰國之有是多矣何必不復小國猶復

況大國乎臣聞國之興也視民如傷是其福也其亡也

以民爲土芥是其禍也楚雖無德亦不艾殺其民吳日

傲於兵暴骨如芥而未見德焉天其或者正訓楚也禍

之適吳其何日之有陳侯從之及夫差克越乃脩先君

之怨秋八月吳侵陳脩舊怨也

檀弓曰吳侵陳斬祀殺厲師還出竟陳太宰嚭

使於師夫差使行人儀問曰人之稱斯師也則謂之何
詔曰古之侵伐者不斬祀不殺厲不獲二毛今斯師也
其不謂之殺厲之師與曰反爾地歸爾子則謂之何
曰君王討敝邑之罪又矜而赦之師與有無名乎

秋齊侯衛侯伐晉

齊侯衛侯會于乾侯救范氏也師及齊師衛孔圉鮮虞人伐晉取棘蒲

○吳師在陳楚大夫皆懼曰闔廬唯能用其民以敗我於柏舉今聞其嗣又甚焉將若之何子西曰二三子恤不相睦無患吳矣昔闔廬食不二味居不重席室不崇壇器不彤鏤宮室不觀舟車不飾衣服財用擇不取費在國天有菑穢親巡孤寡而其其之困在軍熟食者分而後敢食其所嘗者卒乘與焉勤恤其民而與之勞逸是

以民不罷勞死知不曠吾先大夫子常易之所以敗我也今聞夫差次有臺榭陂池焉宿有妃嬪嬪御焉一日之行所欲必成玩好必從珍異是聚觀樂是務視民如讎而用之日新夫先自敗也已安能敗我

冬仲孫何忌帥師伐邾

○冬十月晉趙鞅伐朝歌

附錄

竹書晉書見

二年

戊申

春王二月季孫斯叔孫州仇仲孫何忌帥師伐邾

取鄆東田及沂西田癸巳叔孫州仇仲孫何忌及邾子盟

于句繹

穀梁曰三人伐而二人盟何也各盟其得也

二年春伐邾將伐絞邾人愛其土故賂以鄆沂之田而

受盟

夏四月丙子衛侯元卒

初衛侯遊于郊子南僕公曰余無子將立女不對他日又謂之對曰郢不足以辱社稷君其改圖君夫人在堂三揖在下君命祇辱夏衛靈公卒夫人曰命公子郢爲大子君命也對曰郢異於他子且君沒於吾手若有之郢必聞之且亡人之子輒在乃立輒

滕子來朝

晉趙鞅帥師納衛世子蒯聵于戚

穀梁曰納者內弗受也帥師而後納者有伐也

六月乙酉晉趙鞅納衛大子于戚宵迷陽虎曰右河而南必至焉使大子綏八人衰絰僞自衛逆者告於門哭而入遂居之

秋八月甲戌晉趙鞅帥師及鄭罕達帥師戰于鐵

公羊作栗鄭

師敗績

秋八月齊人輸范氏粟鄭子姚子般送之士吉射逆之趙鞅禦之遇於戚陽虎曰吾車少以兵車之旆與罕駟兵車先陳罕駟自後隨而從之彼見吾貌必有懼心於是乎會之必大敗之從之下戰龜焦樂丁曰詩曰爰始爰謀爰契我龜謀協以故兆詢可也簡子誓曰范氏中行氏反易天明斬艾百姓欲擅晉國而滅其君寡君恃鄭而保焉今鄭爲不道棄君助臣二三子順天明從君命經德義除詬恥在此行也克敵者上大夫受縣下大夫受郡士田十萬庶人工商逐人臣隸圉免志父無罪君實圖之若其有罪絞綏以戮桐棺三寸不設屬辟素車樸馬無入于兆下卿之罰也甲戌將戰郵無恤御簡

子衛太子爲右登鐵上望見鄭師衆太子懼自投于車
下子良授太子綬而乘之曰婦人也簡子巡列曰畢萬
匹夫也七戰皆獲有馬百乘死於牖下羣子勉之死不
在寇繁羽御趙羅宋勇爲右羅無勇廢之吏詰之御對
曰疇作而伏衛太子禱曰曾孫蒯聵敢昭告皇祖文王
烈祖康叔文祖襄公鄭勝亂從晉午在難不能治亂使
鞅討之蒯聵不敢自佚備持矛焉敢告無絕筋無斬骨
無面傷以集大事無作三祖羞大命不敢請佩玉不敢
愛鄭人擊簡子中肩斃于車中獲其蠶旗太子救之以
戈鄭師北獲溫大夫趙羅太子復伐之鄭師大敗獲齊
粟千車趙孟喜曰可矣傅佂曰雖克鄭猶有知在憂未
艾也初周人與范氏田公孫羆稅焉趙氏得而獻之吏

請殺之趙孟曰爲其主也何罪止而與之田及鐵之戰
以徒五百人皆攻鄭師取蠡旗於子姚之幕下獻曰請
報主德追鄭師姚般公孫林殿而射前列多死趙孟曰
國無小旣戰簡子曰吾伏啜嘔血鼓音不衰今日我上
也大子曰吾救主於車退敵於下我右之上也郵良曰
我兩靽將絕吾能止之我御之上也駕而乘材兩靽皆
絕

冬十月葬衛靈公

十有一月蔡遷于州來蔡殺其大夫公子駟

吳洩庸如蔡納聘而稍納師師畢入衆知之蔡侯告大
夫殺公子駟以說哭而遷墓冬蔡遷于州來

三年

己酉○衛出
公輒元年

春齊國夏衛石曼姑帥師圍戚

穀梁曰
此衛事

也其先國夏何也子不圖父也
不繫戚於衛者子不有父也

三年春齊衛圍戚求援于中山

夏四月甲午地震

五月辛卯桓宮僖宮災

公羊曰此皆毀廟也其言災何復立也何以不言及敵也何以書記

也

夏五月辛卯司鐸火火踰公宮桓僖災救火者皆曰顧
府南宮敬叔至命周人出御書俟於宮曰庀女而不在
死子服景伯至命宰人出禮書以待命命不其有常刑
校人乘馬巾車脂轄百官官備府庫慎守官人肅給濟
濡帷幕鬱攸從之蒙葺公屋白大廟始外內以悛助所
不給有不用命則有常刑無赦公父文伯至命校人駕
乘車季桓子至御公立于象魏之外命救火者傷人則

止財可爲也命藏象魏曰舊章不可亡也富父槐至曰無備而官辦者猶拾滲也於是乎去表之橐道還公宮孔子在陳聞火曰其桓僖乎

季孫斯叔孫州仇帥師城啟陽

公羊作開陽

宋樂髡帥師伐曹

○劉氏范氏世爲婚姻長弘事劉文公故周與范氏趙鞅以爲討六月癸卯周人殺長弘

秋七月丙子季孫斯卒

秋季孫有疾命正常曰無死南孺子之子男也則以告而立之女也則肥也可季孫卒康子肥卽位旣葬康子在朝南氏生男正常載以如朝告曰夫子有遺言命其圉臣曰南氏生男則以告於君與大夫而立之今生矣

男也敢告遂奔衛康子請退公使其劉視之則或殺之

矣乃討之召正常正常不反

史記曰季桓子病輦而見魯城喟然歎曰昔此國幾

與矣以吾獲罪於孔子故不與也願謂其嗣康子曰我
即死若必相魯相魯必召仲尼後數日桓子卒康子代
立己葬欲召仲尼公之魚曰昔吾先君用之不終終為
諸侯笑今又用之不能終是再為諸侯笑康子曰則誰
召而可曰必召冉求於是使召冉求冉求將行孔子
曰魯人召求非小用之將大用之也是日孔子曰歸乎
歸乎吾黨之小子狂簡斐然成章吾不知所以裁之子
輒知孔子思歸送冉求因誠曰即用以孔子為招云

蔡人放其大夫公孫獵于吳

冬十月癸卯秦伯卒

叔孫州仇仲孫何忌帥師圍邾

○冬十月晉趙鞅圍朝歌師于其南荀寅伐其郛使其徒

自北門入己犯師而出癸丑奔邯鄲十一月趙鞅殺士

皐夷惡范氏也

附錄

竹書洛
絕于周

四年

庚戌○秦
悼公元年

春王二月

公羊作
三月

庚戌盜殺蔡侯申蔡公

孫辰出奔吳

四年春蔡昭侯將如吳諸大夫恐其又遷也承

音公孫

翩逐而射之入於家人而卒以兩矢門之衆莫敢進文
之錯後至曰如牆而進多而殺二人錯執弓而先翩射
之中肘錯遂殺之故逐公孫辰而殺公孫姓公孫盱

葬秦惠公

宋人執小邾子

夏蔡殺其大夫公孫姓公孫霍

晉人執戎蠻子赤歸于楚

蠻公羊
作曼

夏楚人既克夷虎乃謀北方左司馬販申公壽餘葉公

諸梁致蔡於負函致方城之外於繒關曰吳將沂江入郢將奔命焉爲一昔之期襲梁及霍單浮餘圍蠻氏蠻氏潰蠻子赤奔晉陰地司馬起豐析與狄戎以臨上雒左師軍于菟和右師軍于倉野使謂陰地之命大夫士蔑曰晉楚有盟好惡同之若將不廢寡君之願也不然將通於少習以聽命士蔑請諸趙孟趙孟曰晉國未寧安能惡於楚必速與之士蔑乃致九州之戎將裂田以與蠻子而城之且將爲之卜蠻子聽卜遂執之與其五大夫以畀楚師于三戶司馬致邑立宗焉以誘其遺民而盡俘以歸

城西郭

六月辛丑亳社災

公羊作蒲社○傳曰亡國之社捨其上而柴其下蒲社災何以書記災也

○秋七月齊陳乞弒施衛甯跪救范氏庚午圍五鹿

秋八月甲寅滕子結卒

○九月趙鞅圍邯鄲冬十一月邯鄲降荀寅奔鮮虞趙稷奔臨十二月弒施逆之遂墮臨國夏伐晉取邢任欒鄆逆時陰人孟壺口會鮮虞納荀寅于柏人

冬十有二月葬蔡昭公

葬滕頃公

五年

辛亥○蔡成公朔元年

春城毗

公羊作比

○五年春晉圍柏人荀寅士吉射奔齊初范氏之臣王生

惡張柳朔言諸昭子

范吉射

使爲柏人昭子曰夫非而讎

乎對曰私讎不及公好不廢過惡不去善義之經也臣敢違之及范氏出張柳朔謂其子爾從王勉之我將止

死王生授我矣吾不可以僭之遂死於柏人

夏齊侯伐宋

晉趙鞅帥師伐衛

夏趙鞅伐衛范氏之故也遂圍中牟

秋九月癸酉齊侯杵臼卒

公羊作處曰

齊燕姬生子不成而死諸子鬻如之子荼嬖諸大夫恐其爲大子也言於公曰君之齒長矣未有太子若之何公曰二三子閒於憂虞則有疾疢亦姑謀樂何憂於無君公疾使國惠子高昭子立荼寘羣公子於萊秋齊景公卒冬十月公子嘉公子駒公子黔奔衛公子鉏公子陽生來奔萊人歌之曰景公死乎不與埋三軍之事乎不與謀師乎師乎何黨之乎

公羊曰景公謂陳乞曰吾欲立舍何如陳乞曰所樂

乎為君者欲立之則立之不欲立則不立君如欲立之則臣請立之陽生謂陳乞曰吾聞子蓋將不欲立我也陳乞曰夫千乘之主將廢正而立不正必殺正者吾不立子者所以生子者也與之玉節而走之景公死而舍立

冬叔還如齊

閏月葬齊景公

也

公羊曰閏不書此何以書喪以閏數也喪也穀梁曰不正其閏也

○鄭駟秦富而侈嬖大夫也而常陳卿之車服於其庭鄭人惡而殺之子思子產曰詩曰不解于位民之攸斲不守其位而能久者鮮矣商頌曰不僭不濫不敢怠皇命以多福

六年

壬子○齊安孺子荼元年

春城邾瑕

公羊作邾婁瑕

晉趙鞅帥師伐鮮虞

六年春晉伐鮮虞治范氏之亂也

吳伐陳

吳伐陳復脩舊怨也楚子曰吾先君與陳有盟不可以

不救乃救陳師于城父

史記曰楚救陳軍于城父聞孔子

孔子將往拜禮陳蔡大夫謀曰孔子賢者所刺譏皆中諸侯之疾今者久留陳蔡之間諸大夫所設行皆非仲尼之意今楚來聘孔子孔子用於楚則陳蔡用事大夫危矣於是乃相與發徒役圍孔子於野不得行絕糧從者病莫能興孔子講誦弦歌不衰於是使子貢至楚楚昭王與師迎孔子然後得免

夏齊國夏及高張來奔

齊陳乞僞事高國者每朝必驂乘焉所從必言諸大夫曰彼皆偃蹇將棄子之命皆曰高國得君必偪我盍去諸固將謀子子早圖之圖之莫如盡滅之需事之下也及朝則曰彼虎狼也見我在子之側殺我無日矣請就

之位又謂諸大夫曰二子者禍矣恃得君而欲謀二三
子曰國之多難貴寵之由盡去之而後君定旣成謀矣
盍及其未作也先諸作而後悔亦無及也大夫從之夏
六月戊辰陳乞鮑牧及諸大夫以甲入于公宮昭子聞
之與惠子乘如公戰于莊敗國人追之國夏奔莒遂及
高張晏圉莒施來奔

叔還會吳于柎

秋七月庚寅楚子軫卒

秋七月楚子在城父將救陳卜戰不吉卜退不吉王曰
然則死也再敗楚師不如死棄盟逃讎亦不如死死一
也其死讎乎命公子申子西爲王不可則命公子結子期亦
不可則命公子啟子開五辭而後許將戰王有疾庚寅昭

王攻大冥卒于城父子開退曰君王舍其子而讓羣臣
敢忘君乎從君之命順也立君之子亦順也二順不可
失也與子西子期謀潛師閉塗逆越女之子章立之而
後還是歲也有雲如衆赤鳥夾日以飛三日楚子使問
諸周大史周大史曰其當王身乎若禳之可移於令尹
司馬王曰除腹心之疾而實諸股肱何益不穀不有大
過天其天諸有罪受罰又焉移之遂弗禳初昭王有疾
卜曰河爲祟王弗祭大夫請祭諸郊王曰三代命祀祭
不越望江漢睢漳楚之望也禍福之至不是過也不穀
雖不德河非所獲罪也遂弗祭孔子曰楚昭王知大道
矣其不失國也宜哉夏書曰惟彼陶唐帥彼天常有此
冀方今失其行亂其紀綱乃滅而亡又曰允出茲在茲

由己率常可矣

○八月齊邴意茲來奔

齊陽生入于齊齊陳乞弑其君荼

荼公羊作舍○穀梁曰陽生入而弑其君以陳

乞主之何也不以陽生君荼也陽生正荼不正

陳僖子使召公子陽生陽生駕而見南郭且子曰嘗獻馬於季孫不入於上乘故又獻此請與子乘之出萊門而告之故闕止知之先待諸外公子曰事未可知反與壬也處戒之遂行逮夜至於齊國人知之僖子使子士之母養之與饋者皆入冬十月丁卯立之將盟鮑子醉而往其臣差車鮑點曰此誰之命也陳子曰受命于鮑子遂誣鮑子曰子之命也鮑子曰女忘君之爲孺子牛而折其齒乎而背之也悼公陽生稽首曰吾子奉義而行

者也若我可不必亡一大夫若我不可不必亡一公子
義則進否則退敢不唯子是從廢興無以亂則所願也
鮑子曰誰非君之子乃受盟公羊曰陳乞使人迎陽生于諸其家除景公之喪諸大夫皆在朝陳乞曰常之母有魚菽之祭願諸大夫之
化我也諸大夫皆曰諾於是皆之陳乞之家陳乞曰吾有所爲甲請以示焉諸大夫皆曰諾於是使力士舉巨囊而至於中雷諸大夫見之皆色然而駭開之則陽然
公子陽生也陳乞曰此君也已諸大夫不得已使胡姬皆遠巡北面再拜稽首而君之爾自是往弑舍
以安孺子如賴去鬻如殺王甲拘江說囚王豹于句實
之亡公使朱毛告於陳子曰微子則不及此然君異於
器不可以二器二不匱君二多難敢布諸大夫僖子不
對而泣曰君舉不信羣臣乎以齊國之困困又有憂少
君不可以訪是以求長君庶亦能容羣臣乎不然夫孺
子何罪毛復命公悔之毛曰君大訪於陳子而圖其小

可也使毛遷孺子於駘不至殺諸野幕之下葬諸及冒
淳

冬仲孫何忌帥師伐邾

宋向巢帥師伐曹

七年

癸丑○齊悼公陽生元年○魯惠王卒元年

春宋皇瑗帥師侵鄭

七年春宋師侵鄭鄭叛晉故也

晉魏曼多帥師侵衛

晉師侵衛衛不服也

夏公會吳于郕

夏公會吳于郕吳來徵百牢子服景伯對曰先王未之
有也吳人曰宋百牢我魯不可以後宋且魯牢晉大夫
過十吳王百牢不亦可乎景伯曰晉范鞅貪而棄禮以

大國懼敝邑故敝邑十一牢之君若以禮命於諸侯則有數矣若亦棄禮則有淫者矣周之王也制禮上物不過十二以爲天之大數也今棄周禮而曰必百牢亦唯執事吳人弗聽景伯曰吳將亡矣棄天而背本不與必棄疾於我乃與之大宰嚭召季康子康子使子貢辭大宰嚭曰國君道長而大夫不出門此何禮也對曰豈以爲禮畏大國也大國不以禮命於諸侯苟不以禮豈可量也寡君旣其命焉其老豈敢棄其國大伯端委以治周禮仲雍嗣之斷髮文身羸以爲飾豈禮也哉有由然也反自郕以吳爲無能爲也

秋公伐邾八月己酉入邾以邾子益來

季康子欲伐邾乃饗大夫以謀之子服景伯曰小所以

事大信也大所以保小仁也背大國不信伐小國不仁民保於城城保於德失二德者危將焉保孟孫曰二三子以爲何如惡賢而逆之對曰禹合諸侯於塗山執玉帛者萬國今其存者無數十焉唯大不字小小不事大也知必危何故不言魯德如邾而以衆加之可乎不樂而出秋伐邾及范門猶聞鐘聲大夫諫不聽茅成子請告於吳不許曰魯擊柝聞於邾吳二千里不三月不至何及於我且國內豈不足成子以茅叛師遂入邾處其公宮衆師晝掠邾衆保于繹師宵掠以邾子益來獻于亳社囚諸負瑕負瑕故有繹邾茅夷鴻以束帛乘韋自請救於吳曰魯弱晉而遠吳馮恃其衆而背君之盟辟君之執事以陵我小國邾非敢自愛也懼君威之不立

君威之不立小國之憂也若夏盟於鄆衍秋而背之成
求而不違四方諸侯其何以事君且魯賦八百乘君之
貳也邾賦六百乘君之私也以私奉貳唯君圖之吳子
從之

宋人圍曹冬鄭駟弘帥師救曹

宋人圍曹鄭桓子思曰宋人有曹鄭之患也不可以不
救冬鄭師救曹侵宋初曹人或夢眾君子立于社宮而
謀亡曹曹叔振鐸請待公孫彊許之旦而求之曹無之
戒其子曰我死爾聞公孫彊爲政必去之及曹伯陽卽
位好田弋曹鄙人公孫彊好弋獲白鴈獻之且言田弋
之說說之因訪政事大說之有寵使爲司城以聽政夢
者之子乃行彊言霸說於曹伯曹伯從之乃背晉而好

宋宋人伐之晉人不救築五邑於其郊曰黍丘揖丘大

城鍾邛

八年

甲寅春王正月宋公入曹以曹伯陽歸

公羊曰曹伯陽何以名絕曷爲

絕之滅也曷爲不言滅之諱同姓之滅也何謂手同姓之滅力能救之而不救也

八年春宋公伐曹將還褚師子肥殿曹人詬之不行師行之公聞之怒命反之遂滅曹執曹伯及司城彊以歸殺之

吳伐我

吳爲邾故將伐魯問於叔孫輒叔孫輒對曰魯有名而無情伐之必得志焉退而告公山不狃公山不狃曰非禮也君子違不適讎國未臣而有伐之奔命焉死之可也所託也則隱且夫人之行也不以所惡廢鄉今子以

小惡而欲覆宗國不亦難乎若使子率子必辭王將使

我子張也病之王問於子洩也對曰魯雖無與立必有

與斃諸侯將救之未可以得志焉晉與齊楚輔之是四

讎也夫魯齊晉之脣脣亡齒寒君所知也不救何爲三

月吳伐我子洩率故道險從武城初武城人或有因於

吳竟田焉拘鄆人之漚營者曰何故使吾水滋及吳師

至拘者道之以伐武城克之王犯嘗爲之宰澹臺子羽

之父好焉國人懼懿子謂景伯若之何對曰吳師來斯

與之戰何患焉且召之而至又何求焉吳師克東陽而

進舍於五梧明日舍於蠶室公賓庚公甲叔子與戰于

夷獲叔子與析朱鉏獻於王王曰此同車必使能國未

可望也明日舍于庚宗遂次於泗上微虎欲宵攻王舍

私屬徒七百人三踊於幕庭卒三百人有若與焉及稷
門之內或謂季孫曰不足以害吳而多殺國士不如已
也乃止之吳子聞之一夕三遷吳人行成將盟景伯曰
楚人圍宋易子而食析骸而爨猶無城下之盟我未及
虧而有城下之盟是棄國也吳輕而遠不能久將歸矣
請少待之弗從景伯負載造於萊門乃請釋子服何於
吳吳人許之以王子姑曹當之而後止吳人盟而還

夏齊人取讎及闡

公羊作憚○傳曰外取邑不書此何以書所以賂齊也曷爲賂齊爲以邾婁子

益來也

齊悼公之來也季康子以其妹妻之卽位而逆之季魋
侯通焉女言其情弗敢與也齊侯怒夏五月齊鮑牧帥
師伐我取讎及闡

○或譖胡姬於齊侯曰安孺子之黨也六月齊侯殺胡姬

歸邾子益于邾

穀梁曰益之名失國也

齊侯使如吳請師將以伐我乃歸邾子邾子又無道吳

子使大宰子餘

即討之

囚諸樓臺梏之以棘使諸大夫

奉大子革以為政

秋七月

○秋及齊平九月臧賓如如齊泣盟齊閭丘明來泣盟

國語

曰齊閭丘來盟子服景伯戒宰人曰陷而入於恭閑馬父笑景伯問之對曰笑吾子之大滿也昔正考父較商之名頌十二篇於周大師以那為首其輯之亂曰自古在昔先民有作邇來朝夕執事有恪先聖王之傳恭猶不敢專稱曰自古古曰在昔昔曰先民今吾子之戒吏人曰陷而入於恭其滿之甚也周恭王能庇昭穆之闕而為恭恭恭王能知其過而為恭今吾且逆季姬以歸子之教官寮曰陷而後恭道將何為

嬖○鮑牧又謂羣公子曰使女有馬千乘乎公子慙之

公謂鮑子或譖子子姑居於潞以察之若有之則分室以行若無之則反子之所出門使以三分之一行半道使以二乘及潞廩之以入遂殺之

冬十有二月癸亥杞伯過卒

齊人歸讎及闔

冬十二月齊人歸讎及闔季姬嬖故也

九年紀元年杞閔公

九年春齊侯使公孟綽辭師于吳吳子曰昔歲寡人聞命今又革之不知所從將進受命於君

春王二月葬杞僖公

宋皇瑗帥師取鄭師于雍丘公羊曰其言取之何易也其易奈何詐之也

鄭武子賸之嬖許瑕求邑無以與之請外取許之故圍

宋雍丘宋景瑗圍鄭師每日遷舍壘合鄭師哭子姚即
救之大敗二月甲戌宋取鄭師于雍丘使有能者無死
以邲張與鄭羅歸

夏楚人伐陳

夏楚人伐陳陳即吳故也

秋宋公伐鄭

宋公伐鄭

○秋吳城邗溝通江淮○晉趙鞅卜救鄭遇水適火占諸
史趙史墨史龜史宓曰是謂沈陽可以興兵利以伐姜
不利子商伐齊則可敵宋不吉史墨曰盈水名也子水
位也名位敵不可干也炎帝爲火師姜姓其後也水勝
火伐姜則可史趙曰是謂如川之滿不可游也鄭方有

罪不可救也救鄭則不吉不知其他陽虎以周易筮之
遇泰三三之需三三曰宋方吉不可與也微子啟帝乙
之元子也宋鄭甥舅也社祿也若帝乙之元子歸妹而
有吉祿我安得吉焉乃止

冬十月

○冬吳子使來敝師伐齊

十年

丙辰

春王二月邾子益來奔

十年春邾隱公來奔齊甥也故遂奔齊

公會吳伐齊三月戊戌齊侯陽生卒

公會吳子邾子邾子伐齊南鄙師于鄆齊人弑悼公赴
于師吳子三日哭于軍門之外徐承帥舟師將自海入
齊齊人敗之吳師乃還

夏宋人伐鄭

晉趙鞅帥師侵齊

夏趙鞅帥師伐齊大夫請卜之趙孟曰吾卜於此起兵
事不再令卜不襲吉行也於是乎取犁及轅毀高唐之
郭侵及賴而還

五月公至自伐齊

葬齊悼公

衛公孟彊自齊歸于衛

薛伯夷卒

夷公羊作寅

秋葬薛惠公

○秋吳子使來復傲師

冬楚公子結帥師伐陳吳救陳

冬楚子期伐陳吳延州來季子救陳謂子期曰二君不務德而力爭諸侯民何罪焉我請退以爲子名務德而安民乃還

十有一年

丁巳○齊簡公王元年

春齊國書帥師伐我

十一年春齊爲郕故國書高無平帥師伐我及清季孫謂其宰冉求曰齊師在清必魯故也若之何求曰一子守二子從公禦諸竟季孫曰不能求曰居封疆之間季孫告二子二子不可求曰若不可則君無出一子帥師背城而戰不屬者非魯人也魯之羣室衆於齊之兵車一室敵車優矣子何患焉二子之不欲戰也宜政在季氏當子之身齊人伐魯而不能戰子之恥也大不列於諸侯矣季孫使從於朝俟於黨氏之溝武叔呼而問戰

焉對曰君子有遠慮小人何知懿子強問之對曰小人
慮材而言量力而其者也武叔曰是謂我不成丈夫也
退而蒐乘孟孺子洩帥右師顏羽御邴洩爲右冉求帥
左師管周父御樊遲爲右季孫曰須也弱有子曰就用
命焉季氏之甲七千冉有以武城人三百爲己徒卒老
幼守宮次于雩門之外五日右師從之公叔務人見保
者而泣曰事充政重上不能謀士不能死何以治民吾
旣言之矣敢不勉乎師及齊師戰于郊齊師自稷曲師
不踰溝樊遲曰非不能也不信子也請三刻而踰之如
之眾從之師入齊軍右師奔齊人從之陳瓘陳莊涉泗
孟之側後人以爲殿抽矢策其馬曰馬不進也林不狃
之伍曰走乎不狃曰誰不如曰然則止乎不狃曰惡賢

徐步而死師獲甲首八十齊人不能師宵謀曰齊人遁冉有請從之三季孫弗許孟孺子語人曰我不如顏羽而賢於邴洩子羽銳敏我不欲戰而能默洩曰驅之公爲人務與其嬖僮汪錡乘皆死皆殯孔子曰能執干戈以衛社稷可無殤也冉有用矛於齊師故能入其軍孔子曰義也史記曰冉有爲季氏將師與齊戰於郎克之季康子曰子之於軍旅學之乎性之乎冉有曰學之於孔子康子曰孔子何如人哉對曰用之有名播之百姓質諸鬼神而無憾求之至於此道雖累千社夫子不利也康子曰我欲召之可乎對曰欲召之則毋以小人固之則可矣

夏陳轅頗出奔鄭

轅公羊作袁

夏陳轅頗出奔鄭初轅頗爲司徒賦封田以嫁公女有餘以爲己大器國人逐之故出道渴其族轅咺進稻醴梁糗暇脯焉喜曰何其給也對曰器成而具曰何不吾

諫對曰懼先行

五月公會吳伐齊甲戌齊國書帥師及吳戰于艾陵齊師敗績獲齊國書

爲郊戰故公會吳子伐齊五月克博王申至于嬴中軍從王胥門巢將上軍王子姑曹將下軍展如將右軍齊國書將中軍高無丕將上軍宗樓將下軍陳僖子謂其弟書爾死我必得志宗子陽與閭丘明相厲也桑掩胥御國子公孫夏曰二子必死將戰公孫夏命其徒歌虞殯陳子行命其徒具含玉公孫揮命其徒曰人尋約吳髮短東郭書曰三戰必死於此三矣使問弦多以琴曰吾不復見子矣陳書曰此行也吾聞鼓而已不聞金矣甲戌戰于艾陵展如敗高子國子敗胥門巢王卒助之

大敗齊師獲國書公孫夏問丘明陳書東郭書革車八百乘甲首三千以獻于公將戰吳子呼叔孫曰而事何也對曰從司馬王賜之甲劔鉞曰奉爾君事故無廢命叔孫未能對衛賜進曰州仇奉甲從君而拜公使大史固歸國子之元寶之新篋襲之以玄纁加組帶焉實書于其上曰天若不識不衷何以使下國

○吳將伐齊越子率其衆以朝焉王及列士皆有饋賂吳人皆喜唯子胥懼曰是豢吳也夫諫曰越在我心腹之疾也壤地同而有欲於我夫其柔服求濟其欲也不如早從事焉得志於齊猶獲石田也無所用之越不爲沼吳其泯矣使醫除疾而曰必遺類焉者未之有也盤庚之誥曰其有顛越不其則劓殄無遺育無俾易種于茲

邑是商所以興也今君易之將以求大不亦難乎弗聽

使於齊屬其子於鮑氏爲王孫氏反役王聞之使賜之

屬鏹以死將死曰樹吾墓檟檟可材也吳其亡乎三年

其始弱矣盈必毀天之道也國語曰吳王還自伐齊乃

聖明達於上帝譬如農夫作耦以刈殺四方之蓬蒿以

逸而處於念惡出則罪吾衆衆撓亂百度以妖孽吳國今

天降衷於吳齊師受服孤豈敢自多先王之鐘鼓實式

靈之故告於大夫申胥釋劍而對曰昔吾先王世有輔

弼之臣以能逆疑計惡以不陷於大難今王播棄黎老

而孩童焉比諫曰余令而不違夫不違乃違也夫不違

亡之階也夫天之所棄必驟近其小喜而遠其大憂王

若不得志於齊而以覺寤王心吳國猶世吾先君之得

之也必有以取之其亡之也亦有以棄之而天祿亟至是吳

命之短也員不忍稱疾辟易以見王之親爲越之禽也

員請先死將死曰而縣吾目於東門以見越之入吳國

之亡也遂自殺王愠曰孤不使大夫得有見也乃使取

申胥之尸盛以鴟

夷而投之於江

秋七月辛酉滕子廋母卒

○秋季孫命脩守備曰小勝大禍也齊至無日矣

冬十有一月葬滕隱公

衛世叔齊出奔宋

冬衛大叔疾出奔宋初疾娶于宋子朝其娣嬖子朝出孔文子使疾出其妻而妻之疾使侍人誘其初妻之娣寘於犂而爲之一宮如二妻文子怒欲攻之仲尼止之遂奪其妻或淫于外州外州人奪之軒以獻恥是二者故出衛人立遣使室孔姑疾臣向魋納美珠焉與之城鉏宋公求珠魋不與由是得罪及桓氏出城鉏人攻大叔疾衛莊公復之使處巢死焉殯於郎葬於少禘初晉悼公子慙亡在衛使其女僕而田大叔懿子止而飲之

酒遂聘之生悼子

大叔疾

悼子卽位故夏戊爲大夫悼子

亡衛人翦夏戊孔文子之將攻大叔也訪於仲尼仲尼

曰胡簋之事則嘗學之矣甲兵之事未之聞也退命駕

而行曰鳥則擇木木豈能擇鳥文子遽止之曰圉豈敢

度其私訪衛國之難也將止魯人以幣召之乃歸

史記曰會

季康子遂公華公賓公林以幣迎孔子孔子歸魯

○季孫欲以田賦使冉有訪諸仲尼仲尼曰丘不識也三

發卒曰子爲國老待子而行若之何子之不言也仲尼

不對而私於冉有曰君子之行也度於禮施取其厚事

舉其中斂從其薄如是則以丘亦足矣

國語曰仲尼私於冉有曰先王

制土籍田以力而砥其遠邇賦里以入而量其有無任力以夫而議其老幼於是乎有鬴寡孤疾有軍旅之出

則徵之無則已其歲收田一井出稷若不度於禮而貪

言無厭則雖以田賦將又不足且子季孫若欲行而法則周公之典在若欲苟而行又何訪焉弗聽

附錄

竹書洪絕於舊衛

十有二年

戊午

春用田賦

穀梁曰古者公田什一用田賦非正也

十二年春王正月用田賦

夏五月甲辰孟子卒

公羊曰孟子者何昭公之夫人也其稱孟子何諱娶同姓蓋吳女也

夏五月昭夫人孟子卒昭公娶于吳故不書姓死不赴故不稱夫人不反哭故不言葬小君孔子與弔適季氏季氏不綽放經而拜

公會吳于橐臯

公會吳于橐臯吳子使太宰嚭請尋盟公不欲使子貢對曰盟所以周信也故心以制之玉帛以奉之言以結

之明神以要之寡君以爲苟有盟焉弗可改也已若猶可改曰盟何益今吾子曰必尋盟若可尋也亦可寒也乃不尋盟

秋公會衛侯宋皇瑗于郕

郕公羊作運

吳徵會于衛初衛人殺吳行人且姚而懼謀於行人子羽子羽曰吳方無道無乃辱吾君不如止也子木曰吳方無道國無道必棄疾於人吳雖無道猶足以患衛往也長木之斃無不標也國狗之瘐無不噬也而況大國乎秋衛侯會吳于郕公及衛侯宋皇瑗盟而卒辭吳盟吳人藩衛侯之舍子服景伯謂子貢曰夫諸侯之會事既畢矣侯伯致禮地主歸餼以相辭也今吳不行禮於衛而藩其君舍以難之子盍見大宰乃請束錦以行語

及衛故大宰詒曰寡君願事衛君衛君之來也緩寡君
懼故將止之子貢曰衛君之來必謀於其眾其眾或欲
或否是以緩來其欲來者子之黨也其不欲來者子之
讎也若執衛君是墮黨而崇讎也夫墮子者得其志矣
且合諸侯而執衛君誰敢不懼墮黨崇讎而懼諸侯或
者難以霸乎大宰詒說乃舍衛侯衛侯歸效夷言子之
尚幼曰君必不免其死於夷乎執焉而又說其言從之
固矣

宋向巢帥師伐鄭

宋鄭之間有隙地焉曰彌作頃丘玉暢岳戈錫子產與
宋人爲成曰勿有是及宋平公之族自蕭奔鄭鄭人爲
之城岳戈錫九月宋向巢伐鄭取錫殺元公之孫遂圍

品十二月鄭罕達救品丙申圍宋師

傳在十二月
蠡之後

冬十有二月蠡

公羊曰記異也
何異爾不時也

冬十二月蠡季孫問諸仲尼仲尼曰丘聞之火伏而後

蟄者畢今火猶西流司歷過也

十有三年未春鄭罕達帥師取宋師于品

公羊曰其言取
之何易也其易

奈何詐
反也

十三年春宋向魋救其師鄭子賡使徇曰得桓魋者有

賞魋也逃歸遂取宋師于品獲成讎郤延以六邑為虛

夏許男成卒

成公羊
作戌

公會晉侯及吳子于黃池

公羊曰吳何以稱子吳主會也
吳主會則曷為先言晉侯不與

夷狄之主中國也其言及吳子何會兩伯之辭也不與
夷狄之主中國則曷為以會兩伯之辭言之重吳也曷

為重吳吳在是則天
下諸侯莫敢不至也

夏公會單平公晉定公吳夫差于黃池

國語曰吳王夫差既殺申胥不

於越於越乃也師北征闕為深溝於商魯之間北屬之沂西屬之濟以會晉公午於黃池

楚公子申帥師伐陳

於越入吳

六月丙子越子伐吳為二隧疇無餘謳陽自南方先及

郊吳大子友王子地王孫彌庸壽於姚自泓上觀之彌

庸見姑蔑之旗曰吾父之旗也不可以見讎而弗殺也

大子曰戰而不克將亡國請待之彌庸不可屬徒五千

王子地助之乙酉戰彌庸獲疇無餘地獲謳陽越子至

王子地守丙戌復戰大敗吳師獲大子友王孫彌庸壽

於姚丁亥入吳

國語曰焚其姑蘇徙其大舟

吳人告敗于王王惡其

聞也自到七人於幕下

○秋七月辛丑盟吳晉爭先吳人曰於周室我爲長晉人

曰於姬姓我爲伯趙鞅呼司馬寅曰日旰矣大事未成

二臣之罪也建鼓整列二臣死之長幼必可知也對曰

請姑視之反曰肉食者無墨今吳王有墨國勝乎大子

死乎且夷德輕不忍久請少待之乃先晉人

國語曰吳晉爭長未

成邊陲乃至以越亂告吳王懼乃合大夫而謀曰越爲

不道背其齊盟今吾道路悠遠無會而歸與會而先晉

孰利王孫雉曰夫危事不齒雖敗先對二者莫利無會

而歸越問章矣民懼而走遠無正就齊宋徐夷曰吳既

敗矣將夾講而廢我我無生合矣會而先晉既執諸

侯之柄以臨我將成其志以見天子吾道之不能去之

不忍若越聞章章吾民恐時必會而先之王乃步就王

孫雉曰先之國之將若何王孫雉曰王其無憂吾道路

悠遠必無有二命焉可以治事王孫雉造辭揖諸大夫

曰危事不可以爲安死事不可以爲生則無爲貴知矣

民之惡死而欲貴富以長沒也與我同雖然彼近其國

有遷我絕慮無遷彼焉能與我在此危事也哉事君勇

謀於此用之於外及執戰以資民心請王厲士以奮其

朋勢勸之以高位重畜備刑戮以辱其不厲者令各輕

其死彼將不戰而先我我既執諸侯之柄以歲之不獲
也無有誅焉而先罷之諸侯必說既而皆入其地王安
挺志一日楊一日留以安步王志必設以此民也封於
江淮之間乃能至於吳王許諾吳王昏乃或令孫馬
食士夜中乃令服兵環甲係馬舌出火竈陳士卒百人
以爲徽行百行行頭皆官帥擲鐸拱建肥胡奉文犀
之渠十行一雙大夫建旌提鼓挾經秉枹十旌一將軍
載常建鼓挾經秉枹爲萬人親秉鉞載白旗以中陳而立
甲白羽之常望之如茶王親秉鉞載白旗以中陳而立
左軍亦如之皆立常赤旗丹甲朱羽之常望之如火右
軍亦如之皆立常黑旗烏甲烏羽之常望之如墨爲帶
甲三萬以爲攻雞鳴乃定旣陳去晉軍一里昧明王乃
秉枹親就鳴鼓動天地晉師大駭不出周軍飭壘乃令
鉤以振旅其聲動天地晉師大駭不出周軍飭壘乃令
董褐請事曰兩君偃兵接好日中爲期今大國越錄而
造於敝邑之軍壘敢請亂故吳王親對之曰天子有命
周宰卑約貢獻莫入上帝鬼神而不可以告無姬姓之
振也徒遽來告孤日夜相繼匍匐就君今非王室不
安平是憂億負晉永庶不式諸戎翟楚秦將不長弟以
力征一二兄弟之國孤欲守吾先君之班爵進則不敢
退則不可今日薄矣恐事之不集以爲諸侯笑孤之
事君在今日不得事君亦在今日爲使者之無遠也孤
用親聽命於藩籬之外董褐將還王稱左畸曰攝少司
馬茲與王士五人坐於王前乃皆進自劄於客前以酬

春秋比事卷三

哀公上

三

客董褐既致命乃告諸趙鞅曰臣觀吳王之色類有大
憂小則嬖妾嬀子死不則國有大難大則越入吳將毒
不可與戰主其許之先無以待危然而不可徒許也趙
鞅許諾晉乃令董褐復命曰寡君未敢觀兵身見使弼
復命曰曩君之言周室既卑諸侯失禮於天子請貞於
陽卜收文武之諸侯孤以下密邇於天子無所逃罪訊
讓日至曰昔吳伯父不失春秋必率諸侯以顧在余一
人今伯父有蠻荆之虞禮世不續用命孤禮佐周公以
見我一二兄弟之國以休君憂今君掩王東海以淫名
聞於天子君有短垣而自踰之況蠻荆則何有於周室
夫命圭有命固曰吳伯不曰吳王諸侯是以敢解夫諸
侯無二君而周無二王君若無卑天子以干其不祥而
曰吳公孤敢不順從君命長弟許諾吳王許諾乃退就
幕而會吳公先敵晉侯亞之吳王既會越聞愈章恐齊
宋之爲己害也乃命王孫雄先與勇獲帥徒
師以爲過賓於宋以焚其北郭焉而過之
○吳人將以公見晉侯子服景伯對使者曰王合諸侯則伯帥侯
牧以見於王伯合諸侯則侯帥子男以見於伯自王以
下朝聘玉帛不同故敝邑之職貢於吳有豐於晉無不
及焉以爲伯也今諸侯會而君將以寡君見晉君則晉

成爲伯矣敝邑將改職貢魯賦於吳八百乘若爲子男則將半邾以屬於吳而如邾以事晉且執事以伯召諸侯而以侯終之何利之有焉吳人乃止旣而悔之將囚景伯景伯曰何也立後於魯矣將以二乘與六人從遲速唯命遂囚以還及戶牖謂大宰曰魯將以十月上辛有事於上帝先王季辛而畢何世有職焉自襄以來未之改也若不會祝宗將曰吳實然且謂魯不共而執其賤者七人何損焉大宰詔言於王曰無損於魯而祇爲名不如歸之乃歸景伯吳申叔儀乞糧於公孫有山氏曰佩玉纁兮余無所繫之旨酒一盛兮余與褐之父睨之對曰梁則無矣麕則有之若登首山以呼曰庚癸乎則諸王欲伐宋殺其丈夫而囚其婦人大宰詔曰可勝

也而弗能居也乃歸

秋公至自會

晉魏曼多帥師侵衛

葬許元公

九月螽

○冬吳及越平

冬十有一月有星孛于東方

盜殺陳夏區夫

區公羊作疆

十有一月螽

春秋經傳比事卷二十一終

春秋經傳比事卷二十二

閩 林春溥 鑑塘

哀公下

十有四年

庚申春西狩獲麟公羊曰何以書記異也何異爾

采者也曷為以狩言之為獲麟大之也曷為為獲麟大之麟者仁獸也有王者則至無王者則不至有以告者曰有麟而角者孔子曰孰為來哉孰為來哉反袂拭面涕沾袍顏淵死子曰噫天喪予子路死子曰噫天祝予西狩獲麟孔子曰吾道窮矣

十四年春西狩於大野叔孫氏之車子鉏商獲麟以為

不祥以賜虞人仲尼觀之曰麟也然後取之

小邾射以句繹來奔

杜註曰自此以下至十六年皆魯史記之文弟子欲存孔子卒故並錄以

續孔子所脩之經

小邾射以句繹來奔曰使季路要我吾無盟矣使子路

子路辭季康子使冉有謂之曰千乘之國不信其盟而信子之言子何辱焉對曰魯有事于小邾不敢問故死其城下可也彼不臣而濟其言是義之也由弗能

夏四月齊陳恒執其君寘于舒州

齊簡公之在魯也闕止有寵焉及卽位使爲政陳成子憚之驟顧諸朝諸御執言於公曰陳闕不可並也君其擇焉弗聽子我止闕夕陳逆殺人逢之遂執以入陳氏方睦使疾而遺之潘沐備酒肉焉饗守囚者醉而殺之而逃子我盟諸陳於陳宗初陳豹欲爲子我臣使公孫言己已有喪而止旣而言之曰有陳豹者長而上樓望視事君子必得志欲爲子臣吾憚其爲人也故緩以告子我曰何害是其在我也使爲臣他日與之言政說遂有

寵謂之曰我盡逐陳氏而立女若何對曰我遠於陳氏

矣且其違者不過數人何盡逐焉遂告陳氏子行陳曰

彼得君弗先必禍子子行舍於公宮夏五月壬申成子

兄弟四乘如公子我在幄出逆之遂入閉門侍人禦之

子行殺侍人公與婦人飲酒于檀臺成子遷諸寢公執

戈將擊之大史子餘曰非不利也將除害也成子出舍

于庫閭公猶怒將出曰何所無君子行抽劒曰需事之

賊也誰非陳宗所不殺子者有如陳宗乃止子我歸屬

徒攻闔與大門皆不勝乃出陳氏追之失道於弇中適

豐丘豐丘人執之以告殺諸郭關成子將殺大陸子方

臣子我陳逆請而免之以公命取車於道及彫衆知而東

之出雍門陳豹與之車弗受曰逆爲余請豹與余車余

春秋左傳卷三十三
有私焉事子我而有私於其讎何以見魯衛之士東郭
賈奔衛庚辰陳桓執公子舒州公曰吾早從鞅之言不
及此

庚戌叔還卒

五月庚申朔日有食之

陳宗豎出奔楚

宋向魋入于曹以叛

宋桓魋之寵害於公公使夫人驟請享焉而將討之未
及魋先謀公請以輦易薄公曰不可薄宗邑也乃益輦
七邑而請享公焉以日中爲期家備盡往公知之告皇
野曰余長魋也今將禍余請卽救司馬子伋臣不
順神之所惡也而況人乎敢不承命不得左師巢不可

請以君命召之左師每食擊鉦聞鐘聲公曰夫子將食
既食又奏公曰可矣以乘車往曰迹人來告曰逢澤有
介麋焉公曰雖魍未來得左師吾與之田若何君憚告
子野曰嘗私焉君欲速故以乘車逆子與之乘至公告
之故拜不能起司馬曰君與之言公曰所難子者上有
天下有先君對曰魍之不其宋之禍也敢不唯命是聽
司馬請瑞焉以命其徒攻桓氏其父兄故臣曰不可其
新臣曰從吾君之命遂攻之子頗騁而告桓司馬司馬
欲入子車止之曰不能事君而又伐國民不與也祇取
死焉向魍遂入于曹以叛

莒子狂卒

六月宋向魍自曹出奔衛宋向巢來奔

六月使左師巢伐之欲質大夫以入焉不能亦入于曹取質魋曰不可旣不能事君又得罪于民將若之何乃舍之民遂叛之向魋奔衛向巢來奔宋公使止之曰寡人與子有言矣不可以絕向氏之祀辭曰臣之罪大盡滅桓氏可也若以先臣之故而使有後君之惠也若臣則不可以入矣司馬牛致其邑與珪焉而適齊向魋出於衛地公文氏攻之求夏后氏之璜焉與之他玉而奔齊陳成子使爲次卿司馬牛又致其邑焉而適吳吳人惡之而反趙簡子召之陳成子亦召之卒於魯郭門之外阮氏葬諸丘輿

齊人弑其君壬于舒州

甲午齊陳桓弑其君壬于舒州孔丘三日齊而請伐齊

三公曰魯爲齊弱久矣子之伐之將若之何對曰陳桓弑其君民之不與者半以魯之衆加齊之半可克也公曰子告季孫孔子辭退而告人曰吾以從大夫之後也故不敢不言

秋晉趙鞅帥師伐衛

八月辛丑仲孫何忌卒

初孟孺子洩將圍馬於成成宰公孫宿不受曰孟孫爲成之病不圍馬焉孺子怒襲成從者不得入乃反成有司使孺子鞭之秋八月辛丑孟懿子卒成人奔喪弗內袒免哭于衢聽其弗許懼不歸

冬陳宗豎白楚復入于陳陳人殺之

陳轅買出奔楚

有星亭

饑

附錄

竹書晉城頓丘

十有五年

○齊平公驚元年○衛莊公蒯聵元年

春王正月成叛

十五年春成叛于齊武伯伐成不克遂城輪

夏五月齊高無平出奔北燕

鄭伯伐宋

○夏楚子西子期伐吳及桐汭陳侯使公孫貞子弔焉及良而卒將以尸入吳子使大宰嚭勞且辭曰以水潦之不時無乃廩然隕大夫之尸以重寡君之憂寡君敢辭上介芊尹蓋對曰寡君聞楚爲不道荐伐吳國滅厥民人寡君使蓋備使弔君之下吏無祿使人逢天之威大

命隕隊絕世于良廢日其積一日遷次今君命逆使人
曰無以尸造于門是我寡君之命委于草莽也且臣聞
之曰事死如事生禮也于是乎有朝聘而終以尸將事
之禮又有朝聘而遭喪之禮若不以尸將命是遭喪而
還也無乃不可乎以禮防民猶或踰之今大夫曰死而
棄之是棄禮也其何以爲諸侯主先民有言曰無穢虐
士備使奉尸將命苟或寡君之命達于君所雖隕于深
淵則天命也非君與涉人之過也吳人內之

秋八月大雩

晉趙鞅帥師伐衛

○秋齊陳瓘如楚過衛仲由見之曰天或者以陳氏爲斧
斤旣斲喪公室而他人有之不可知也其使終饗之亦

不可知也若善魯以待時不亦可乎何必惡焉子玉曰
然吾受命矣子使告我弟

冬晉侯伐鄭

及齊平

冬及齊平子服景伯如齊子贛爲介見公孫成

公孫宿

曰

人皆臣人而有背人之心況齊人雖爲子役其有不貳
乎子周公之孫也多饗大利猶思不義利不可得而喪
宗國將焉用之成曰善哉吾不早聞命陳成子館客曰
寡君使恒告曰寡人願事君如事衛君景伯揖子贛而
進之對曰寡君之願也昔晉人伐衛齊爲衛故伐晉冠
氏喪車五百因與衛地自濟以西禱媚杏以南書社五
百吳人加敝邑以亂齊因其病取譴與闡寡君是以寒

心若得視衛君之事君也則固所願也成子病之乃歸
成公孫宿以其兵甲入于羸

衛公孟嘯出奔齊

○衛孔圉取太子蒯聵之姊生慚孔氏之賢渾良夫長而
美孔文子卒通於內太子在戚孔姬使之焉太子與之
言曰苟使我入獲國服冕乘軒三死無與與之盟爲請
於伯姬閏月良夫與太子入舍於孔氏之外圃昏二人
蒙衣而乘寺人羅御如孔氏孔氏之老樂寧問之稱姻
妾以告遂入適伯姬氏旣食孔伯姬杖戈而先太子與
五人介與豶從之迫孔慚於厠強盟之遂劫以登臺樂
寧將飲酒炙未熟聞亂使告季子子路召獲駕乘車行爵
食炙奉衛侯輒來奔季子將入遇子羔將出曰門已閉

矣季子曰吾姑至焉子羔曰弗及不踐其難季子曰食
焉不辟其難子羔遂出子路入及門公孫敢門焉曰無
入爲也季子曰是公孫也求利焉而逃其難由不然利
其祿必救其患有使者出乃入曰夫子焉用孔惺雖殺
之必或繼之且曰夫子無勇若燔臺半必舍孔叔夫子
聞之懼下石乞孟賁敵子路以戈擊之斷纓子路曰君
子死冠不免結纓而死孔子聞衛亂曰柴也其來由也
死矣孔惺立莊公莊公害故政欲盡去之先謂司徒瞞
成曰寡人離病於外久矣子請亦嘗之歸告褚師比欲
與之伐公不果

附錄

宋世家景公二十七年樊威守心心宋之分野也
景公曼之司景子章曰可移於相景公曰相吾之
股故曰可移於民景公曰君者待民曰可移於歲景公
曰歲飢民困吾誰爲君子章曰天高聽卑君有君人之

言三焚惑宜自勦於是彼之果徒三度

十有六年壬戌春王正月己卯衛世子蒯聵自戚入于衛衛

侯輒來奔

二月衛子還成出奔宋

十六年春蒯成褚師比出奔宋衛侯使鄆武子告于周曰蒯聵得罪于君父君母逋竄于晉晉以王室之故不棄兄弟寘諸河上天誘其衷獲嗣守封焉使下臣肸敢告執事王使單平公對曰肸以嘉命來告余一人往謂叔父余嘉乃成世復爾祿次敬之哉方天之休弗敬弗休悔其可追

夏四月己丑孔丘卒

夏四月己丑孔丘卒公誅之曰旻天不弔不憖遺一老

俾屏余一人以在位煢煢余在疚嗚呼哀哉尼父無自
律子贛曰君其不沒於魯乎夫子之言曰禮失則昏名
失則愆失志爲昏失所爲愆生不能用死而誅之非禮
也稱一人非名也君兩失之

六月衛侯飲孔悝酒於平陽重酬之

禮祭統引衛孔悝之鼎銘曰六月丁

亥公假于大廟公曰叔舅乃祖莊叔左右成公成公乃命莊叔隨難于漢陽創宮于宗周奔走無射敵在獻公乃命成叔纂乃祖服乃考文叔興舊者欲作卒慶士躬恤衛國其勤公家夙夜不解民咸曰休哉公曰叔舅予女銘若纂乃考服此論孔悝之鼎銘也大夫皆有納焉醉而送之夜半而遣之載伯姬於平陽而行及西門使貳車反昭於西園子伯李子初爲孔氏臣新登于公請追之遇載昭者殺而取其車許公爲反福遇之曰與不仁人爭明無不勝必使先射射三發皆達許爲

許爲射之殲或以其車從得祔於橐中孔惲出奔宋
楚大子建之遇讒也自城父奔宋又辟華氏之亂於鄭
鄭人甚善之又適晉與晉人謀襲鄭乃求復焉鄭人復
之如初晉人使謀於子木建請行而期焉子木暴虐於
其私邑邑人訴之鄭人省之得晉謀焉遂殺子木其子
曰勝在吳子西欲召之葉公曰吾聞勝也詐而亂無乃
害乎子西曰吾聞勝也信而勇不爲不利舍諸邊竟使
衛蒧焉葉公曰周仁之謂信率義之謂勇吾聞勝也好
復言而求死士殆有私乎復言非信也期死非勇也子
必悔之弗從召之使處吳竟爲白公請伐鄭子西曰楚
未節也不然吾不忘也他日又請許之未起師晉人伐
鄭楚救之與之盟勝怒曰鄭人在此讎不遠矣勝自厲

劍子期之子平見之曰王孫何自厲也曰勝以直聞不
告女庸爲直乎將以殺爾父平以告子西子西曰勝如
卵余翼而長之楚國第我死令尹司馬非勝而誰勝聞
之曰令尹之狂也得死乃非我子西不悛勝謂石乞曰
王與二卿士皆五百人當之則可矣乞曰不可得也曰
市南有熊宜僚者若得之可以當五百人矣乃從白公
而見之與之言說告之故辭承之以劍不動勝曰不爲
利詔不爲威惕不洩人言以求媚者去之吳人伐慎白
公敗之請以戰備獻許之遂作亂秋七月殺子西子期
子朝而劫惠王子西以袂掩面而死子期曰昔者吾以
力事君不可以弗終扶豫章以殺人而後死石乞曰焚
庫弑王不然不濟白公曰不可弑王不祥焚庫無聚將

何以守矣乞曰有楚國而治其民以敬事神可以得祥且有聚矣何患弗從葉公在蔡方城之外皆曰可以入矣子高曰吾聞之以險徼幸者其求無厭徼重必離聞其殺齊管修也而後入白公欲以子閭爲王子閭不可遂劫以兵子閭曰王孫若安靖楚國匡正王室而後庇焉啟之願也敢不聽從若將專利以傾王室不顧楚國有死不能遂殺之而以王如高府石乞尹門圉公陽穴宮負王以如昭夫人之宮葉公亦至及北門或遇之曰君胡不胄國人望君如望慈父母焉盜賊之矢若傷君是絕民望也若之何不胄乃胄而進又遇一人曰君胡胄國人望君如望歲焉日月以幾若見君面是得艾也民知不死其亦夫有奮心猶將旌君以徇於國而又掩

面以絕民望不亦甚乎乃免胄而進遇箴尹固帥其屬
將與白公子高曰微二子者楚不國矣棄德從賊其可
保乎乃從葉公使與國人以攻白公白公奔山而縊其
徒微之生拘石乞而問白公之死焉對曰余知其死所
而長者使余勿言曰不言將烹乞曰此事也克則爲卿
不克則烹固其所也何害乃烹石乞王孫燕奔頰黃氏
沈諸梁兼二事國寧乃使寧子西爲令尹使寬子期爲
司馬而老于葉

衛侯占夢嬖人求酒於大叔僖子不得與卜人比而告
公曰君有大臣在西南隅弗去懼害乃逐大叔遭遺奔
晉

衛侯謂渾良夫曰吾繼先君而不得其器若之何良夫

代執火者而言曰疾與亡君皆君之子也召之而擇材焉可也若木材器可得也暨告大子疾即大子使五人輿緞從已劫公而強盟之且請殺良夫公曰其盟免三死曰請三之後有罪殺之公曰諾哉

十七年公春衛侯爲虎幄於藉圃成求令名者而與之始食焉大子請使良夫良夫乘衷甸兩牡紫衣狐裘至和裘不釋劍而食大子使牽以退數之以三罪而殺之三月越子伐吳吳子禦之笠澤夾水而陳越子爲左右句卒使夜或左或右鼓譟而進吳師分以禦之越子以三軍潛涉當吳中軍而鼓之吳師大亂遂敗之國語曰吳王夫差

差還自黃池息民不戒越大夫種乃倡謀曰吾謂吳王將遂涉吾地今罷師而不戒以忘我而大荒薦飢市無赤米困鹿空虛其民必移就蒲贏於東海之濱王若今起師以會奪之利吳之邊鄙遠者罷而未至吳王將敗

不戰而以中國之師與我戰我遂踐其地若不戰而結
成王安厚取名而去之越王曰善哉乃大戒師將伐吳
命有司大徇於軍曰有父母者老而無昆弟者歸沒而
父母之世有兄弟四五人皆在此者擇子之所欲歸者
命人有眩瞽之疾筋力不足以勝甲兵志行不足以聽
命者歸於是人有致死之心吳王起師軍於江北越王
軍於江南越王乃中分其師以爲左右軍以其私卒君
子六千人爲中軍明日將舟戰於江及昏乃令左軍銜
枚近江五里以須亦令右軍銜枚踰江五里以須夜中
乃令左軍右軍涉江鳴鼓中水以須吳師聞之大駭曰
越人分爲二師將以夾攻我師乃不待旦亦中分其師
將以禦越越王乃令其中軍銜枚潛涉不鼓不譟以襲
攻之吳師大北越之左軍右軍乃遂涉而從之
又大敗之於沒又郊敗之三戰三北乃至於吳

晉趙鞅使告于衛曰君之在晉也志父爲主請君若大
子來以免志父不然寡君其曰志父之爲也衛侯辭以
難大子又使栾之夏六月趙鞅圍衛齊國觀陳瓘救衛
得晉人之致師者子玉使服而見之曰國子實執齊柄
而命瓘曰無辟晉師豈敢廢命子又何辱簡子曰我卜

伐衛未卜與齊戰乃還

楚白公之亂陳人恃其聚而侵楚楚既寧將取陳麥楚子問帥於大師子穀與葉公諸梁子穀曰右領差車與左史老皆相令尹司馬以伐陳其可使也子高曰率賤民慢之懼不用命焉子穀曰觀丁父都俘也武王以爲軍率是以克州蓼服隨唐大啟羣蠻彭仲爽申俘也文王以爲令尹實縣申息朝陳蔡封畛於汝唯其任也何賤之有子高曰天命不諂令尹有憾於陳天若亡之其必令尹之子是與君盍舍焉臣懼右領與左史有二俘之賤而無其令德也王卜之武城尹公孫朝吉使帥師取陳麥陳人御之敗遂圍陳秋七月己卯楚公孫朝帥師滅陳王與葉公枚卜子良以爲令尹沈尹朱曰吉過於

其志葉公曰王子而相國過將何爲他日改卜子國而使爲令尹

衛侯夢于北宮見人登昆吾之觀被髮北面而譟曰登此昆吾之虛縣縣生之瓜余爲渾良夫叫天無辜公親筮之胥彌赦占之曰不害與之邑寘之而逃奔宋衛侯貞卜其繇曰如魚鼈尾衡流而方羊裔焉大國滅之將亡闔門塞竇乃自後踰冬十月晉復伐衛入其俘將入城簡子曰止叔向有言曰怙亂滅國者無後衛人出莊公而與晉平晉立襄公之孫般師而還十一月衛侯自鄆入般師出初公登城以望見戎州問之以告公曰我姬姓也何戎之有焉翦之公使匠久公欲逐石圃未及而難作辛巳石圃因匠氏攻公公閉門而請弗許踰于

北方而隊折股戎州人攻之太子疾公子青踰從公戎
州人殺之公入于戎州己氏初公自城上見己氏之妻
嬖人使覘之以爲己姜鬻旣入焉而示之璧曰活我吾
與女嬖己氏曰殺女璧其焉往遂殺之而取其璧衛人
復公孫般師而立之十二月齊人伐衛衛人請平立公
子起執般師以歸舍諸潞

公會齊侯盟于蒙孟武伯相齊侯稽首公拜齊人怒武
伯曰非天子寡君無所稽首武伯問於高柴曰諸侯盟
誰執牛耳季羔曰鄆衍之役吳公子姑曹發陽之役衛
石魋武伯曰然則鮒也

宋皇瑗之子縻有友曰田丙而奪其兄鄆般邑以與之
鄆般愠而行告桓司馬之臣子儀克子儀克適宋告夫

人曰麋將納桓氏公問諸子仲初子仲將以杞嬖之子
非我爲子麋曰必立伯也是良材子仲怒弗從故對曰
右師則老矣不識麋也公執之皇瑗奔晉召之

○十八年

甲子○衛
起元年

春宋殺皇瑗公問其情復皇氏之族

使皇緩爲右師

巴人伐楚圍鄧初右司馬子國之下也觀瞻曰如志故

命之及巴師至將卜帥王曰寧子國如志何卜焉使帥師

而行請承佐王曰寢尹吳由工尹遼勒先君者也三月

楚公孫寧吳由于遠固敗巴師于鄧故封子國於析君

子曰惠王知志夏書曰官占唯能蔽志昆命于元龜其

是之謂乎志曰聖人不煩卜筮惠王其有焉

夏衛石圃逐其君起起奔齊衛侯輒自齊復歸逐石圃

而復石魋與大叔遺

○十九年

乙丑○衛出公輒後元年○秦厲其公元年

春越人侵楚以誤吳也

夏楚公子慶公孫寬琅越師至冥不及乃還

秋楚沈諸梁伐東夷三夷男女及楚師盟于敖

冬叔青如京師敬王崩故也

○二十年

丙寅○周元王仁元年

春齊人來徵會夏會于廩丘爲鄭

故謀伐晉鄭人辭諸侯秋師還

吳公子慶忌驟諫吳子曰不改必亡弗聽出居于艾遂

適楚聞越將伐吳冬請歸平越遂歸欲除不忠者以說

于越吳人殺之

十一月越圍吳趙孟降於喪食楚隆曰三年之喪親暱

之極也主又降之無乃有故乎趙孟曰黃池之役先主

與吳王有質曰好惡同之今越圍吳嗣子不廢舊業而敵之非晉之所能及也吾是以爲降楚隆曰若使吳王知之若何趙孟曰可乎隆曰請嘗之乃往先遣于越軍曰吳犯閒上國多矣聞君親討焉諸夏之人莫不歡喜唯恐君志之不從請入視之許之告于吳王曰寡君之老無恤使陪臣隆敢展謝其不共黃池之役君之先臣志父得承齊盟曰好惡同之今君在難無恤不敢憚勞非晉國之所能及也使陪臣敢展布之王拜稽首曰寡人不佞不能事越以爲大夫憂拜命之辱與之一簞珠使問趙孟曰句踐將生憂寡人寡人死之不得矣王曰溺人必笑吾將有問也史黯何以得爲君子對曰黯也進不見惡退無謗言王曰宜哉

○二十一年

丁卯○晉出公錯元年

夏五月越人始來

秋八月公及齊侯邾子盟于顧齊人責稽首因歌之曰魯人之皐數年不覺使我高蹈唯其儒書以爲二國憂是行也公先至于陽穀齊聞丘息曰君辱舉玉趾以在寡君之軍羣臣將傳遽以告寡君比其復也君無乃勤爲僕人之末次請除館於舟道辭曰敢勤僕人

○二十二年

戊辰

夏四月邾隱公自齊奔越曰吳爲無道執

父立子越人歸之太子革奔越

冬十一月丁卯越滅吳請使吳王居甬東辭曰孤老矣

焉能事君乃縊越人以歸

國語曰越師遂入吳國圍王宮吳王懼使人行成曰昔不

殺先委制於越君君告孤請成男女服從孤無奈越之先君何畏天之不祥不敢絕祀許君成以至於今今孤不道得罪於君王王以親辱於孤之弊邑孤敢請成男女服爲臣御越王曰昔天以越賜吳而吳不受今天

以吳賜越孤敢不聽天之命而聽君之令乎乃不許成
因使人告於吳王曰天以吳賜越孤不敢不受以民生
之不長王其無死民生於地上寓也其與幾何寡人其
達王於兩句東夫婦三百唯王所安以沒天年夫差辭
曰天既降福於吳國凡吳土地人民越既有之矣孤何
以視於天下夫差將死使人說於子胥曰使死者無知
則已矣若其有知吾何面目以見員也遂自殺又曰居
軍三年吳師自潰吳王帥其賢良與其重祿以上姑蘇
使王孫雄行成於越曰昔天降禍於吳得罪於會稽今
君王其圖不穀不穀請復會稽之和王弗忍欲許之范
蠡進諫曰臣聞得時弗成天有還形今君王不聽其忘
會稽之事乎王曰吾欲弗許而難對其使者子其對之
范蠡乃左提鼓右援枹以應使者曰昔者上天降禍於
越委制於吳而吳不受今將反此義以報此禍吾王敢
不聽天之命而聽君王之命乎王孫雄曰子范子先人
有言曰無助天為虐助天為虐者不祥今吾稻蟹不遺
種子將助天為虐不忌其不祥乎雄請反辭於王范蠡
曰君王已委制於執事之人矣子往矣無使執事之人
得罪於子使者辭反范蠡不報於王擊鼓興師以臨使
者至於姑蘇之宮不傷越民遂滅吳反至五湖范蠡辭
於王曰君王勉之臣不復入於越國矣遂乘輕舟以浮
五湖莫知其終極王命工以良金寫蠡之狀而朝禮
之決日而令大夫朝之環會稽三百里者以為范蠡地
越世家曰越王乃葬吳王而誅太宰嚭已平吳乃以兵

北渡淮與齊晉諸侯會於徐州致貢於周周元王使人賜句踐昨命爲伯句踐以淮上地與楚歸吳所侵宋地於宋與魯泗東方百里當是時越兵橫行於江淮東諸侯畢賀號稱霸王

○二十三年己春宋景曹卒季康子使冉有弔且送葬曰敝邑有社稷之事使肥與有職競焉是以不得助執紼使求從輿人曰以肥之得備彌甥也有不腆先人之產馬使求薦諸夫人之宰其可以稱旌繁乎

夏六月晉荀瑤伐齊高無平帥師御之知伯視齊師馬駭遂驅之曰齊人知余旗其謂余畏而反也及壘而還將戰長武子請卜知伯曰君告于天子而卜之以守龜於宗祧吉矣吾又何卜焉且齊人取我英丘君命瑤非敢耀武也治英丘也以辭伐罪足矣何必卜壬辰戰于犁丘齊師敗績知伯親禽顏庚

春秋八月叔青如越始使越也越諸鞅來聘報叔青也

○二十四年

庚午○蔡聲侯元年

夏四月晉侯將伐齊使來乞師曰

昔臧文仲以楚師伐齊取穀宣叔以晉師伐齊取汶陽
寡君欲徼福於周公願乞靈於臧氏臧石帥師會之取
廩丘軍吏令繕將進萊章曰君卑政暴往歲克敵今又
勝都天奉多矣又焉能進是僇言也役將班矣晉師乃
還餽臧石牛大史謝之曰以寡君之在行牢禮不度敢
展謝之

邾子又無道越人執之以歸而立公子何何亦無道

公子荆之母嬖將以爲夫人使宗人覺夏獻其禮對曰
無之公怒曰女爲宗司立夫人國之大禮也何故無之
對曰周公及武公娶於薛孝惠娶於商自桓以下娶於

齊此禮也則有若以妾爲夫人則固無其禮也公卒立之而以荆爲太子國人始惡之

閏月公如越得太子適郢將妻公而多與之地公孫有山使告于季孫季孫懼使因大宰嚭而納賂焉乃止

○二十五年

平

夏五月庚辰衛侯出奔宋衛侯爲靈臺于

藉圃與諸大夫飲酒焉褚師聲子譏而登席公怒辭曰臣有疾異於人若見之君將殺之是以不敢公愈怒大夫辭之不可褚師出公戟其手曰必斷而足聞之褚師與司寇亥乘曰今日幸而後亡公之入也奪南氏邑而奪司寇亥政公使侍人納公文懿子之車于池初衛人翦夏丁氏以其帑賜彭封彌子瑕彌子飲公酒納夏戊之女嬖以爲夫人其弟期大叔疾之從孫甥也少畜於

公以爲司徒夫人寵衰期得罪公使三匠久公使優校
盟拳彌而甚近信之故褚師比公孫彌牟公文要司寇
亥司徒期因三匠與拳彌以作亂皆執利兵無者執斤
使拳彌入于公宮而自太子疾之宮譟以攻公酈子士
請禦之彌援其手曰子則勇矣將若君何不見先君乎
君何所不逞欲且君嘗在外矣豈必不反當今不可衆
怒難犯休而易閒也乃出將適蒲彌曰晉無信不可將
適酈彌曰齊晉爭我不可將適洽彌曰魯不足與請適
城鉏以鈎越越有君乃適城鉏彌曰衛盜不可知也請
速自我始乃載寶以歸公爲支離之卒因祝史揮以侵
衛衛人病之懿子知之見子之公孫彌牟請逐揮文子子曰
無罪懿子曰彼好專利而妄夫見君之入也將先道焉

若逐之必出於南門而適君所夫越新得諸侯將必請師焉揮在朝使吏遣諸其室揮出信弗內五日乃館諸外里遂有寵使如越請師

六月公至自越季康子孟武伯逆於五梧郭重僕見二子曰惡言多矣君請盡之公宴於五梧武伯爲祝惡郭重曰何肥也季孫曰請飲餞也以魯國之密邇仇讎臣是以不獲從君克免於大行又謂重也肥公曰是食言多矣能無肥乎飲酒不樂公與大夫始有惡

附錄

竹書晉澠絕于梁
丹水一日三絕

○二十六年壬申夏五月叔孫舒帥師會越皐如后庸宋樂棧納衛侯文子舒欲納之懿子曰君懷而虐少待之必毒於民乃睦於子矣師侵外州大獲出禦之大敗掘褚

師定子之墓焚之于平莊之上文子使王孫齊私於皐如曰子將大滅衛乎抑納君而已乎皐如曰寡君之命無他納衛君而已文子致衆而問焉曰君以蠻夷伐國國幾亡矣請納之衆曰勿納曰彌牟亡而有益請自北門出衆曰勿出重賂越人申開守陴而納公公不敢入師還立悼公南氏相之以城鉏與越人公曰期則爲此令苟有怨於夫人者報之司徒期聘於越公攻而奪之幣期告王王命取之期以衆取之公怒殺期之甥之爲大子者遂卒于越

宋景公無子取公孫周之子得與啟畜諸公宮未有立焉於是皇緩爲右師皇非我爲大司馬皇懷爲司徒靈不緩爲左師樂枝爲司城樂朱鉏爲大司寇六卿三族

降聽政以大尹以達大尹常不告而以其欲稱君命以令國人惡之司城欲去大尹左師曰縱之使盈其罪重而無基能無傲乎冬十月公游于空澤辛巳卒于連中大尹與空澤之士千甲奉公自空桐入如沃宮使召六子曰聞下有師君請六子盡六子至以甲劫之曰君有疾病請二三子盟乃盟于少寢之庭曰無爲公室不利大尹立收奉喪殯于大宮三日而後國人知之司城棧使宣言于國曰大尹惑蠱其君而專其利今君無疾而死死又匿之是無他矣大尹之罪也得夢啟北首而寢於盧門之外己爲烏而集於其上味加於南門尾加於桐門曰余夢美必立大尹謀曰我不在盟無乃逐我復盟之乎使祝爲載書六子在唐孟將盟之祝襄以載書

告皇非我皇非我因子潞

樂門

尹得左師謀曰民與我

逐之乎皆歸授甲使徇于國曰大尹惑蠱其君以陵虐

公室與我者救君者也衆曰與之大尹徇曰戴氏皇氏

將不利公室與我者無憂不富衆曰無別戴氏皇氏欲

伐公樂得曰不可彼以陵公有罪我伐公則甚焉使國

人施于大尹大尹奉啟以奔楚乃立得司城爲上卿盟

曰三族共政無相害也

衛出公自城鉏使以弓問子贛且曰吾其入乎子贛稽

首受弓對曰臣不識也私於使者曰昔成公孫於陳甯

武子孫莊子爲宛濮之盟而公入獻公孫於齊子鮮子

展爲夷儀之盟而君入今君再在孫矣內不聞獻之親

外不聞成之卿則賜不識所由入也詩曰無競惟人四

方其順之若得其人四方以爲主而國於何有

附錄

竹書齊人伐衛

○二十七年

癸酉○周貞定王元年○衛悼公昭公得元年

春越子使后

庸來聘且言邾田封于駘上二月盟于平陽三子皆從康子病之言及子贛曰若在此吾不及此夫武伯曰然何不召曰固將召之文子曰他日請念

夏四月己亥季康子卒公弔焉降禮

晉荀瑤帥師伐鄭次于桐丘鄭駟弘請救于齊齊師將興陳成子屬孤子三日車設乘車兩馬繫五邑焉召顏涿聚之子晉曰隰之役而父死焉以國之多難未女恤也今君命女以是邑也服車而朝毋廢前勞乃救鄭及留舒遘穀七里穀人不知及濮雨不涉子思曰大國在

敝邑之宇下是以告急今師不行恐無及也成子衣製
杖戈立於阪上馬不出者助之鞭之知伯聞之乃還曰
我卜伐鄭不卜敵齊使謂成子曰大夫陳子陳之自出
陳之不祀鄭之罪也故寡君使瑤察陳衷焉謂大夫其
恤陳乎若利本之顛瑤何有焉成子怒曰多陵人者皆
不在知伯其能久乎中行文子告成子曰有自晉師告
寅者將爲輕車千乘以厭齊師之門則可盡也成子曰
寡君命恒曰無及寡無畏衆雖過千乘敢辟之乎將以
子之命告寡君文子曰吾乃今知所以亡君子之謀也
始衷終皆舉之而後入焉今我三不知而入之不亦難
乎

公患三桓之侈也欲以諸侯去之三桓亦患公之妄也

故君臣多開公游于陵阪遇孟武伯於孟氏之衢曰請
有問於子余及死乎對曰臣無由知之三問卒辭不對
公欲以越伐魯而去三桓秋八月甲戌公如公孫有陘
氏因孫於邾乃遂如越國人施公孫有山氏魯世家曰
三桓政公

公奔於衛去如歸還如越國人迎哀公
後歸卒於有山氏子寧立是爲悼公

附錄

竹書於越
徙都瑯琊

悼之四年晉荀瑤帥師圍鄭未至鄭駟弘曰知伯愎而
好勝早下之則可行也乃先保南里以待之知伯入南
里門于桔枳之門鄭人俘鄒魁壘賂之以知政閉其口
而死將門知伯謂趙孟入之對曰主在此知伯曰惡而
無勇何以爲子對曰以能忍恥庶無害趙宗乎知伯不
悛趙襄子由是甚知伯遂喪之知伯貪而愎故韓魏反

而喪之

春秋經傳比事卷二十一終